



42010



温州市图书馆

WENZHOU LIBRARY

01060



温州市图书馆
WENZHOU LIBRARY



温州市图书馆

WENZHOU LIBRARY

廣談助卷七

特表

瑞安方鴻飛逸磐甫纂

句容令徐九經嘗圖一菜于堂題曰不可令民有此色不可令士大夫無此味及去父老挽衣泣曰公幸訓我九經曰勤儉忍世傳徐公三字訓

達奚武拜太傅賤時好華飾及居重位不持威儀行常單馬門不施戟嘗書掩一扉或謂公功名蓋世何輕率若是武曰天下未平國恩威未報安事威儀言者慙退

齊左丞相斛律金一門一皇后二太子妃三公主每相見多以羊車迎之金不為喜謂其子大將軍光曰古來外戚鮮有能保其族者我家直以勲勞致富貴何藉女寵

范文正嘗立一軍為勇猛軍其所用士多取氣節辟置幕官多是
招收前後作過黥配見居謫籍未牽復者人或疑之公曰人有才
能而無過朝廷自應用之若其實有可用之才不幸陷于吏議深
文不因事起之則遂終于廢人矣故公所舉多得士如孫沔滕達
道劉滄張元皆所素重也嘗稱諸葛武侯能用度外人能用度外
人然後能周大事云做事時必須要此等人用
常樞有疾老子視之曰先生疾已甚矣獨無所遺教乎常乃張口
示之曰舌存乎曰存得非以其軟耶又曰齒亡乎曰亡得非以其
剛耶常樞曰天下事盡此矣
孫登汲人性無怒人或投之水中笑而出嵇康從遊三年將別去
曰先生何以教之登曰子知火乎生而有光不用其光以全其光
若子才高識寡難乎免于今之世矣及康繫獄自責云昔漸下惠

今愧孫登

賀文忠逢聖江夏人一生有三異萬歷時授應城教諭課士供職
外每日晨起親拭聖殿几筵龕座焚香肅拜三年如一日也山東
有老宿乙卯夏日夢至聖云今秋享祭在湖廣應城異之稽紳籍
知為賀公秉鐸明年賀次臚春 崇禎大拜乞歸舟過安慶鱗魚
嘴風濤驚阻商艘故多傾覆江夏肅揖致詞江津遂為安流土人
德公立廟以祀

陳文恭獻章新會人舉孝廉邢祭酒讓試作楊龜山此日不再得
詩名動京師尋歸隱白沙德器粹完獨超造化牢籠之外而寄興
于風烟水月之間蓋有舞雩陋巷之風焉章楓山贈之詩云洙泗
迥且深伊洛浩不息建溪一以逝未流日湮塞浙水流功利西江
浸虛寂寥寥宇宙間何人踐斯域此足見先生擇之審守之固矣

漢邴原欲遠遊學詣安邱孫崧崧曰君鄉里鄭君康成學覽古今博聞強識誠學者之師也君乃舍之躡履千里所謂以玄為東家某耶原曰人各有志所向不同有登山而采玉者亦有入海而探珠者豈可以登山者不如海之深入海者不如山之高哉君謂玄為東家某則君以僕為西家之愚夫耶崧謝之高攀龍字存之號景逸無錫人嘗曰良知二字不若中庸二字終日味之不窮終身行之無盡中者停停當當庸者平平常常體如是用亦如是工夫要在主靜主腦要在慎獨下學上達在此米元章修友人書至頓首二字必叩首者三尹和靖將赴經筵必沐浴端拱以明日所講書置案上朝衣再拜此能見君子羹牆者顧悌得父書必拜跪而讀之每句應諾此能見父于羹牆者山陰唐彬幼從會稽章瑄學未幾與瑄同登會榜

彬以御史歸瑄猶未授官執弟子禮甚謹雖燕居坐卧之間嘗若與瑄相對此能見師于羹牆者先哲可類推矣

楊尚書翥夢遊園林食其二李覺而自責曰是我平日義利心不明故至此愧恨不食者累日盛寅夢人寄椒其家私用取之深自悔咎迄不能寐一節婦夢男子調之起自憤責至毀其容夫夢寐無憑尚一毫不自恕非寢不愧衾者乎

熊莊簡繡都御史致仕屏居山中俯仰不贍歿後何孟春疏曰熊繡居貴能貧居富能儉敷歷中外四十餘年守法徇公推賢嫉惡言無爽于屬垣行無愧于顧影

陳道清謹守法仕至刑尚嘗示其子曰煦煦為仁孑孑為義激激沽名庸庸保祿近世急于進取者往往涉此吾行詎不及前人獨幸不在此四者之列亦不願汝曹效之

楊守社鄞人仕南吏部尚書臨終自題曰學文師韓吏部學道師程伊川官同吏部高壽過伊川卒文章可得而聞望道而未之見困學勉行老而不倦守正嫉邪至死不變

青田包瑜字希賢窮今博古篤學力行由舉人任教諭淮王聞其賢修書幣聘進講便殿命工肖像親為之贊曰見道之真履道之正咳唾古今寤寐聖賢傳獵經蒐回瓢點咏衣冠肅如後學企敬李禎廬陵人仕至河南布政耿介廉潔嘗自題畫像曰貌雖陋而心嚴身雖進而意止忠孝稟乎父師學問存乎操履仁廟稱為好人周藩許其得體不勞朋友贊詞自有帝王恩旨饒幹邵武人從學朱熹夙興治事暇即聽講後知懷安軍卒銘曰能琢磨而器吾之玉乎則心皇皇如不足能烜赫而丹吾之轂乎則足縮縮如不欲故樂也不加若性而污也不懼其辱是謂善學

朱氏者蓋不惟其名而實之焉

王通幼篤學慵慷慨有大志上太平策不用隱居河汾從遊千計
楊素雅重之勸之出曰幸有先人敝廬足以蔽風雨薄田足以供
飪粥讀書設道足以自樂不願仕也著中說謚文中子

吳獬龍溪人雅與陳知柔善柔嘗稱獬曰親古學古心古文古使
其閉戶著書當不在揚子之下所著有省齋集

趙鶴江都人歷官二十年以山東提學副使歸家無餘貲生平雅
好吟咏于晉愛謝靈運于唐愛孟郊于元愛劉因嘗曰此道不宜
淺淺則庸茸下矣

錢塘虞淳熙仕吏部主事免官歸黃寓庸傳之曰以儒為行以玄
為功以禪為歸以山水為寄托以詞翰為遊戲以闡述為經綸誠
足囊括其生平矣

張泳守成都有參軍衰老泳督責之曰何故不歸明日參軍別以
詩曰秋光爭似宦情薄山色不如歸興濃泳慰而薦之泳自蜀召
歸留畫一幅遺僧希白曰後十年開迨僧聞訃開視乃公像自贊
云乖則遺俗崖不利物乖崖之名聊以表德
司馬溫公為相每問士大夫私計足否人怪問之公曰倘衣食不
足安肯為朝廷而輕去就耶內翰賈公往謝杜祁公公獨以生事
有無為問賈疑之公曰凡人無生事為官不能無俯仰依違今賈
君名在第一其學不問可知行獨懼生事不足以致進退皆為廩
祿所拘耳
張芸叟初遊京師見歐陽文忠多談吏事張疑之曰學者求見先
生莫不以道德文章為欲聞今先生多教人吏事竊意所未喻也
公應之曰不然文學止于潤身政事可以及物芸叟自得此語至

老不忘

杜密為東海相去官還家每揖守令有所陳托同郡劉勝亦自蜀
歸閉門掃軌無所干及太守王昱諷密曰劉季陵清高士公卿多
稱之者密曰劉勝位為大賓知善不薦聞惡無言隱情惜己自同
寒蟬此罪人也今志義力行之賢而密達之違道失節之夫而糾
之使明府賞伐罰得中令問休暢不亦萬分一乎昱慙服
楊文節萬里誠齋立朝時計料自京還家裏費貯以一篋鑰而置
之卧所戒家人不許市一物恐累歸擔日日若促裝者此意甚好
豈惟立朝即處世路可也世路之于人猶逆旅然日日益之使諸
物纏擾不得解脫不無累歸擔哉

賈魏公昌朝為相日有方士姓許對人未嘗稱名無貴賤皆稱我
時人謂之許我言談可採傲視公卿公欲見之邀之數四卒不至

使人苦邀之許騎驢徑造丞相廳事門吏止之許曰我無求于丞相丞相名我來如此我即去耳不下驢而去門吏急追不還公聞嘆曰許市井人耳惟無所求于人尚不可以勢屈况以道義自任者乎

崔唐臣閩人與蘇子容呂晉叔交善二君登第唐臣遂罷舉業一日船舶河次二君偶見之問以事由曰往來江湖貿易自給愈于應舉覓官時也次早二君還見崔留刺末一絕云集賢仙客問生涯買得漁舟玩歲華案有黃庭尊有酒少風波處便為家已莫可踪跡矣

張湛矜嚴好禮雖遇妻子若嚴君焉人或謂湛詐湛笑曰我誠詐也人皆詐惡我獨詐善不亦可乎

童子魏照求入事郭泰供給洒掃泰曰爾方年少當精義講書何

來相近照曰經師易獲人師難遭欲以素絲之質來就朱藍之染

葉文簡顯字子昂遷司農丞在朝三年非公事未嘗至丞相府樞

密王綸知公恬退而未知其德性欲試以事一日官誥院失錦一

端命公治之公請寬其謾藏之罪于是綸大喜謂其客曰葉寺丞

介而嚴通而恕真重器也

劉器之與蘇子瞻同朝子瞻勇于為義或失之過器之必約以典

故子瞻怒曰何處來一劉正言知得許多典故或以告器之器之

曰子瞻固所畏也若恃其才欲變亂典常則不可朝中語曰閩蜀

同風腹中有虫至元符末二人並謫嶺海道中相遇始與交歡器

之語人曰浮華習盡去非昔子瞻矣子瞻則曰器之真鐵漢也

黃文簡准永樂初以中書舍人名入內閣凡有謀議無不切中上

曰黃淮如立高岡無遠不見尋因漢王諧詔逮獄十年時金問楊

溫州府志卷之四

WENZHOU LIBRARY

溥三人同繫各講讀一經曰此處憂患之道也官至少保卒
商文毅輅父為嚴州府吏積善好施時行陰德一夕太守適見吏
室有光使人蹤跡之乃非火也明日問羣吏家夜來何事對曰商
某家生一子太守異之語其父曰此子必貴彌月抱來一看命張
黃羅傘送至公解後舉三元入內閣
董大參樸致政歸林下不肯以片字干政府嘗有隣翁橫罹盜誣
為郡捕過其門跪泣訴公曰公素習我善良望一言活我公曰汝
故知我不干官府者其人頓首泣去已徐復心憐之曰憶汝昔年
築室余曾有詩以賀汝尚在否曰在公曰汝第持此詩往余不別
作字也其人遂執詩以見郡守守覽公詩矍然乃釋之其見重于
時如此
韓許公億在中書日嘗見天下諸路有職司撫拾官吏小過形諸

奏牘者輒顏色不懌曰今天下太平主上之心雖蟲魚草木皆欲
得所仕者大則為公為卿次則望為侍從職司其下亦望京朝幕
職奈何錮人于盛世豈是寬厚待士之道

靖康中蔡元長父子既敗言者攻之發其奸惡不遺餘力門下士
如楊中立孫仲益之類是也李泰發為御史獨不露章且勸人勿
為太甚坐謫汀州酒稅謝表云當垂涕止彎弓之射人以為狂然
臨危多下石之徒臣不敢士大夫稱之

王莊毅竑督漕淮揚時有指揮單姓者行不檢公嘗摧抑之尋公
遭公煩言免官歸過清河指揮具餼殷勤公擇受數缶既發則皆
穢物單蓋藉以抒夙憤也公舟抵徐復有言公忠節命公還官指
揮逃遁詐為死喪有仇之者執而訟之于公公竟不校前海平其
訟而遣之人咸稱公為不念舊惡云

温州府志卷之七

明廣東布政徐竒入覲載嶺南藤簞將以饋廷臣邏者獲其單目
以進上視之無楊公士竒名乃獨召之問故士竒曰竒自都給事
受命赴廣時眾皆作詩文贈行故今有此餽時臣有病無所作不
然亦不免今眾名雖具受否未可知且物甚微當亦無他上始意
解即以單付中官令燬之一無所問
寇萊公自少不點燈油雖廁間亦燭淚成堆杜祁公不燃官燭與
客相對油燈一炷夫二公皆當世名臣奢儉不同如此然祁公壽
考終吉萊公有南遷之禍雖其運數使然然亦足為人世之法戒
矣張侍中厚葬免禍晏丞相薄葬貽殃二公之事得無異是
陳曲逆之安天下始于一肉王荆公之紛天下兆于一院故善觀
人者必于其微厨人濮一奮而眾皆揚徽王孫賈一呼而市皆左
袒忠義自在人心不泯也難乎其有唱之者耳

韓魏公于小人欺己者皆能明足以照之終不道破此正魏公德量最高處明知其欺而終莫能欺苟計其情則激怨而不肖之心生不中傷之不已也古來豪傑敗于小人者多昧此幾噫魏公之智遠矣

寇萊公斥丁謂拂鬚竊謂萊公過矣古之敬賢者有進履結襪袒割牲操几杖擁篲馭車曾是拂鬚為媚耶謂也僉人知敬事公而顧斥之夫敬且斥使多行無禮將若之何君子待小人不惡而嚴異日到海之行怨恨起于此矣豈獨孤注為紉

許劭平輿人少立名節嘗客遊潁川不候陳實又陳蕃喪妻吊者雲集劭獨不往或問故答曰太丘道廣廣則難周仲舉性峻峻則少通故弗造也居常好論里中人物故汝南有月旦評

宋高宗朝孫楙入覲嘗論公生明上問何以生公曰廉生公問何

宋高宗朝孫楙入覲嘗論公生明上問何以生公曰廉生公問何

温州府圖書館

WENZHOU LIBRARY

以生廉曰儉生廉上稱善

南史袁昂為吏部尚書梁帝謂曰齊明用卿為黑頭尚書今朕用卿為白頭尚書

唐太宗謂侍臣曰朕自立太子遇物則誨之如見飯則曰汝知稼穡之艱難見乘馬則曰當不竭其力見乘舟則曰水能載舟亦能覆舟民猶水君猶舟也見息于木則曰木從繩則正君從諫則聖鄱陽高舉永樂進士罷官山居謝絕人事一日棹小舟至城下郡守月波樓觀競渡舉微服箕坐占一絕云皇后升遐未一年今春先帝未賓天江山草木皆垂淚太守如何看畫船守訪之知為高侍郎大慙延公拂衣不顧而去

王莽篡位召陳咸咸謝病不肯應三子參豐欽皆在位悉令解官歸閉門不出猶用漢家臘人問其故咸曰我先人豈知有王氏臘

乎初王莽以臘日上榘酒置毒鳩哀帝

元克潭州知州李芾死之時進士尹穀寓城中乃為二子冠招鄉

人行冠禮鄉人曰此何時行此迂濶事穀曰欲令兒子曹冠帶見

先人于地下耳禮畢與家人自焚死

李文靖沆王文正旦同時執政四方奏報祥瑞沆故滅裂之如有

灾異則再三疏陳以為失德所招上意不懌旦每退而詰沆沆曰

自古太平天子志氣侈盛非事四譯即耽酒色或崇釋老不過以

此數事自敗今上富于春秋須常以不如意事裁挫之使知不驕

則可為持盈守常之主沆老矣公他日當見之旦初不以為然至

晚東封西祀禮無不講時沆已死旦繪象事之曰文靖文靖蓋

服其明識也

高登知永寧廣西帥沈晦問登何以為治登條十餘事告之晦曰

此古人之政今人疑詐不能行登曰忠信可行蠻貊不能行者誠不至耳

漢應奉凡所經歷莫不暗記嘗詣彭城相袁賀家有車匠于門內開扇出半面視奉後數十年于路見車匠識而呼之唐楊愔聰記多識半面不忘有選人魚映漢自言猥賤獨不見識愔曰卿前在元子思坊騎秃尾草驢經見我不下以方麴障面我何不識卿令人謂半面之識本此

蘇子瞻謫雷州不許占官舍遂僦屋居之章子厚又以為強奪民居追究詰之後以僦券甚明乃已後二年子厚仍謫雷州亦問舍于民民曰前蘇公來為章丞相幾破我家今不可也其報如此寇忠愍公累貶雷州司戶時丁晉公與馮相拯同在中書丁當筆欲貶崖州馮曰雷州可也後謂亦受貶馮遂擬雷州時語曰若見雷

州寇司戶人生何處不相逢

穎州有姚尚書墓碑州人侍郎某營壽域欲割碑三分之一畏州

守難之曲意以懇州守曰吾聞姚氏子孫微矣其碑甚厚何不便

割三分之二侍郎甚喜或問州守曰侍郎割尚書之碑子不能禁

又過許之何也州守曰吾意欲使後人割侍郎碑者猶得中分耳

侍郎聞之慚悔温邑高世則有墓有穹碑一通吳中太湖石所

鑿碑陰鋸紋朗朗而歌宣德間隣邑黃某葬父鋸其半為神道碑

高之裔孫謂曰相公取之薄矣黃問何故高曰恐後人復欲鋸耳

黃默然二人之事將毋同

康熙甲子中州湯潛庵斌巡撫江南蒞任以後惟領吳中一杯水

不受公私半文錢興學校講鄉約崇節義敦孝友尚朴儉毀淫祠

禁豪強絕賭博專務以德化民安靜簡默無為而治丙寅內召回

京輔導東宮士民攀轅泣留為之罷市去之日止有圖書數篋人謂海忠介周文襄再見云

李燾學術一稟朱熹嘗言人不必待仕官有職事纔為功業但隨力到處有以及物即功業也又曰仕官至卿相不可失寒素體君子無入而不自得正以磨挫驕奢不至居移氣養移體故其處貧賤患難恬不為動入仕四十二年而被服布素如故云

韓億宋郊同中選王武恭德用方平章事例當謝二人有空疎之謙言德用曰曾見程文誠多空疎少年更宜廣學問億與郊出曰

王公雖武人尚有前輩激勵後進意不可忘也

陳堯佐字希元以開封府推官言事忤旨降通判潮州建韓吏部祠時鱷魚復肆虐有子與母濯于江鱷魚尾而食之母不能救堯佐命吏往捕戮之鱷魚至暴非網罟所能得至是就捕作戮鱷魚

文其惠遂絕方之韓昌黎之驅其烈尤奇

楊文貞士奇薦達士類多踐清華尚書楊文舉在武昌因患難之

交都御史吳文恪訥黑窰匠以一文五經博士陳嗣初教書儒生

以一詩皆入啟事悉登臺閣此今人所難也又作第初成設門未

行使人亟請仲舉曰此安可不容有德之人先踐

李文靖沅拜參政胡秘監啟賀歷詆前呂郭章陳四參政以譽公

四參政事詳後合傳中公慨然不樂曰吾豈真優于是耶乘人之後而譏其

非吾所不為况欲揚一己而短四人乎

宋王質為待制致仕號知足居士謂耕田以足食讀書以足學儉

用以足財節慾以足壽誠扎達識之言也

李文節嘗言士大夫不害鄉里特不為賊耳何足言德士大夫不

說關節特不為丐耳何足言清斯言足為居鄉律令雖然今之不

為賊不為丐者已難得矣他又何言

葉文忠

元次山作丐論自叙在長安中與丐者為友或以友丐為天下者然世有丐顏色于人丐名位于人丐權家以售邪妄媚惑者此之不羞而羞與丐者為伍謬矣郭忠恕自放于酒出則從傭丐飲街肆中或譏其不倫曰吾觀今之公卿大夫中多此輩也

趙燾宛人從兄為人所殺燾年十五思報之挾兵以往而仇家皆疾病燾曰因病殺人非仁者事乃出赴光武召累遷御史有聲帝嘗延集內戚各言往遭赤眉出長安皆仗燾濟活帝即引見曰卿非但為英雄所褒婦人亦且懷恩拜太尉

司馬溫公保身說天下有道君子揚于王庭以正小人之罪天下無道君子括囊不言以避小人之禍倘生昏亂之世不在其位而欲以口舌救臧否人物激濁揚清撩蛇虺之頭履兕豹之尾以至

身被淫刑禍及朋友不亦悲乎夫善哉惟叔度汪洋淺深莫測孺
子耕稼賓客無聞郭有道既明且哲以保其身申屠蟠見幾而作
不俟終日卓乎其不可及也

朱泚上言龍州將趙貴家猫鼠同乳不相為害詔遣使示于朝常
哀率百僚稱賀崔祐甫上奏言禮云迎猫為其食田鼠也今對鼠
不食無乃失其性乎且猫受人養竟不修職何以法吏不勤觸
奸疆吏不勤悍敵物反其常以茲稱慶臣所未詳

隋李士謙躬處節儉每以振施為務仁心所感羣犬生子交共相
乳或謂士謙子多陰德所致士謙曰夫所謂陰德者其猶耳鳴已
獨知之人無知者今吾所作吾子皆知何陰德之有

呂文穆公居相位一朝士家藏古鏡自言能照二百里欲因公弟
獻以求知公笑曰吾面不過碟子大安用照二里鏡聞者歎服以

齊東野語卷之七

温州府圖書館

WENZHOU LIBRARY

為賢于李衛公遠矣。賈捐之上書言有獻千里馬者，詔曰：「鸞旂在前，屬車在後，日行五十里。朕乘千里馬，獨先安之。于是却馬。」司馬公一日見康節，曰：「明日僧顯修開堂說法，富鄭公、呂晦叔欲偕往聽之。晦叔貧佛，已不可勸。富公果往于理，未便後。某進不敢言。先生曷止之？」康節唯唯。明日康節往見富公，曰：「聞上欲用裴晉公禮起公，公笑曰：『先生謂某衰病能起否？』」康節曰：「固也。」或言上命公公不起，僧開堂公即出，毋乃不可乎？公驚曰：「某未之思也。」時富公請告故。

楊宗喬尹新鄉，質任峭直，與人議論，每不相下。監臨者惡其不遜，多摧抑之。同列又多交構其間，心不自安。一日桂古山過之，宗喬以聞。古山曰：「譬如對奕，且饒一着，譬如爭路，且退一步，便無事矣。」宗喬惕然謝之，即日改授教職。

蘇季明以上章得罪貶饒州過洛和靖館之伊川訪焉既行伊川
謂季明殊以遷貶為意和靖忻然曰焯嘗問季明當初上書為國
家計耶為身計耶若為國家計自當忻然赴饒州若為進取計則
饒州之貶猶為輕典季明以焯言為然伊川曰名言名言人常誦
此惕然深省當于聖門勿欺而犯旨有悟

閩縣林文安瀚太宰王恕薦其學行淳正堪為祭酒在國學十年
待士嚴而有恩生平有廣平之介而不失之狹有萊公之大而不
失之踈賤者即之不知為貴卑者即之不知為尊愚不肖者即之
不知為賢且智惟非意相干始知其不可犯也
鄒浩晉陵人官右正言極論章惇誤國未報而劉后復立反覆廷
諍被竄史謂古忠臣初除諫官入白母母勉以盡忠果如母命史
謂古孝子陽瞿田畫雅與浩善及劉氏立謂人曰志完不言可絕

溫州府志卷之三

交矣浩既得罪畫迎諸途正色曰使志完隱默居京師遇寒疾不
汗五日死矣豈獨嶺海之外能死人哉史又謂古良友
羅文恭洪先吉水人自幼端重不為嬉弄官贊善疏請預定東宮
朝儀忤旨落職屏居闔石門居止其中製一榻默坐能前知三年
事人或竒之曰此偶然事不足道比疾作語子曰莫厭窮窮固自
好正襟危坐而卒

趙康靖槩澄治思慮嘗于座處置二器每起一善念投白豆一粒
于器中起一惡念投黑豆一粒于器中又一載徐文靖溥以二瓶
貯黃黑豆事與此同陳宓信道者篤嘗為朱墨銘朱屬陽墨屬陰
用以驗理欲分數之多寡

熙寧初王宣徽之子正甫一日約邵康節吳處厚王平甫共飲康
節辭以疾明日正甫來康節謂曰某之辭會有以處厚好議論平

甫介甫弟介甫執政行新法處厚每譏刺之平甫雖不甚主其見
若人面罵之則亦不堪此某所以辭會也正甫曰先生料事誠審
昨處厚席間毀介甫平甫作色欲列其事于府再三解之乃已
杜正猷有門生為縣令公戒之以切當韜晦無露圭角門生曰公
平生以直諫忠信取重天下今反以誨某以此何也公曰衍歷任
多積年久上為君王所知下為朝野所信故得以伸其素志今予
初為縣令卷舒休戚係之長吏予非欲子毀方瓦合蓋欲求和于
中也此一言味作涉世語便是老鄉愿味作用世語便是古大臣
李絳相德宗人謂其私同年許季同德宗問曰人于同年有私乎
絳曰同年乃四海九州之人偶同科第于情何有若其果才雖兄
弟子侄猶將用之况同年乎
蜀公與溫公同遊嵩山各携茶往溫公以紙為貼范鎮蜀公用小

盒子盛之溫公見之驚曰景仁乃有茶器耶蜀公聞言留其盒與寺僧而去

魏中山王袞少好學能屬文每有善群臣共表稱陳袞美袞聞責讓之曰修身自守人之常行耳諸君乃以上聞是適所以增其負累也自後勿復以聞

宋徐中行臨海人少從胡瑗學父死廬墓躬耕養母推其餘力葬親里貧無後者十餘喪崇寧中州舉八行不就客有詰以要名者中行曰使吾得以八行應科彼不被舉者皆非人類乎與吾正欲避此非要名也

呂文靖為兩浙提刑時京師採木南方責限太峻民死者于役者甚眾公上疏謂窮冬水涸民苦輓運請少緩其期俟河流通決遣卒送之為便上悅從之

韓忠憲億靈壽人知亳州時次子綜自西京倅歸省公置酒召僚
佐坐間忽問綜曰聞西京有疑獄奏鞫者其詳云何綜思之未能
對公遂索杖大詬曰汝食祿朝廷為郡倅大辟尚爾含糊細務不
舉可知矣何以報國必欲撻之眾賓力解方已

陸文裕樹聲居恒言士大夫于世法中惟廉取薄享可續壽命之
源後仕至禮尚告歸遣使存問時年九十五矣跨馬郊迎觀者目
為天人

宜興學憲吳頤山無子有李生獻種子方一曰代貧民完糧二曰
代輕犯贖罪三曰各門設粥廠四曰族屬時饋遺五曰村落親給
粟六曰置葯療病疫七日掩骼八曰造橋九曰置義庄十曰助學
曰公欣然行之後連舉二子俱登高第
吳祐為膠東侯相安丘長因客殺母殺之自安丘亡命入膠東為

吏所執祐詰知其有妻未有子即逮其妻使入侍獄妻遂有娠臨刑長嚙指謂妻曰幸而生子當以吳為名言我嚙指為誓囑兒報吳府君也

曾幼度樂安人仕至太守晚年無意仕進詩酒自娛何穀贊之曰不夷不惠斯道之魄不歐不蘇斯道之脉外容萬象中無一物唐侍御肅與丁晉公為友宅正相對丁將相唐遷居州北或問之唐曰謂入必大拜數與往還事涉依附經旬不見情必猜疑先正有言權貴之門雖係通家也須見面稀行踪少故避之也宋監國公周必大監杭州府利濟局局內失火火犯當死問吏曰此火設起自官應得何罪吏曰削職公曰我豈可以一官而坐視十餘人之命哉遂自誣服各家俱免死公竟罷官而歸後夢神換鬚官至宰相

陶侃江陵刺史嘗夢登天至上折其一翼驚墜在官戴星視事旦
暮運甕于齋中檢佐吏得博具投之江中曰樗蒲老子入胡所作
牧猪奴戲耳圍棋帝堯制之以教愚子諸君何用此為
曹翰貶汝州有中使來翰泣告曰眾口食貧不能存活以袂封故
衣一包質十千中使回奏之太宗開視乃一圖障題曰下江南圖
惻然憐之召還丁謂既竄崖州嘗作家書遣使至洛陽守劉燁
祈轉付家戒使者曰伺燁會僚眾時呈達燁得書不敢隱即以聞
上上啟視語多自刺刻責叙國厚恩戒家人無怨望帝感惻遂徙
雷州
許進為都御史冒雪夜行二十里以擣哈密得遺種八百人將校
以為封侯可得進曰行師之道期在綏安已耳吾安忍以多馘為
功且此屬窮而請命殺之逆天逆天者無後八百人皆得不死

成武馬默知登州宋制沙門島罪人官給糧者三百人多則取投海中默奏神宗言朝廷既貸其死今以溢額而投之海有傷皇恩乞查發配年久無過者移登州上納之著為令自此全活無算仕至都轉運使

元末東莞王成作亂何真起義兵除之募人能縛成者予鈔十千于是成奴縛之以出真即如數賞奴既又令人具湯鑊駕車上成懼以為烹已真乃縛奴烹之使人鳴鼓推車號于眾曰世人毋如奸奴縛主以罹此刑也時人俱服賞罰之公

張文忠九成兼刑侍一日法寺以成案上大辟公閱首末得其情因請覆實因果誣服者為奏默之法官抵罰朝論欲以為賞公辭曰職在詳刑而賣眾以邀賞可乎

唐自德宗以後朝廷專務姑息藩鎮有終身不易地者李吉甫為

相歲幾易三十六鎮又政事堂會食有巨床相傳不可徙徙則宰相輒罷吉甫笑曰豈有一床而能制宰相禍福者竟撤新之許襄毅進巡按山東平反死獄築孔林周垣又修顏真卿諸葛亮祠曰吾仰止在是也察院後一亭相傳有崇進食息其中左右以崇告襄毅叱曰焉有避崇御史又嘗監鄉試同事欲置一貴介于榜中進厲聲曰天下公道盡廢惟此事尚存若然則是無事不壞矣必不可為也

文天祥留燕三年入對乞死乃詔斬于燕京之柴市南面而拜其衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧

趙相國以東事憂懼時或兼旬不起其友胡某往訪之適日者王生醫者李生兩人在座相國謂王曰我仇忌何日出宮謂李曰我

何日膏肓去体其友笑曰使石尚書出京便是仇忌出宮沈遊擊
去頭便是膏肓去体相國為之嘿然

劉仁宅知瑞昌廉謹有為下車首陳三踈蠲赤湖虛課二萬緡免
舊欠蘆柴十餘萬免逋稅數千石子忠宣公大夏生于是邑人以
為仁者之報云

姚涑字維東兵尚鏌之子母夢吞日華南五色鳥投懷而生嘉靖
癸未廷對第一嘗曰論學不可立黨立黨則必爭奚能見道昔者
朱陸之辨虛心求是也今日辨朱陸者私心求勝也言愈多而道
愈晦持論侃侃聽者忘疲及卒上問髯狀元安在或以卒對上為
悼惜

曹瑋久在秦州屢章乞代王旦荐李及眾疑及雖謹厚非守邊才
韓億以告旦不答及至秦州將吏亦心輕之會有戍卒白晝掣婦

人銀釵于市吏執以聞及方坐觀書召前略加詰問其人服罪及
遂下吏亟命斬之將吏驚服不日聲譽達京師億聞見旦稱旦知
人旦笑曰戊卒為亂主將斬之此常事何足異旦之用及非以此
也特以曹瑋知秦十年羗人讐服使他人往必矜聰明多所變寘
敗瑋成績所以用及必能持重守瑋規模億于此益歎公之識度
慶厯中余靖歐陽修蔡襄王素為諫官時稱四諫四人力引石介
范仲淹獨謂同列曰石介剛正天下所聞然性好為竒異若使為
諫官必以難行之事責上少拂其意則引裾折檻叩頭流血無不
為矣今上雖富有春秋然無失德朝廷政事亦自修舉安用如此
諫官諸公羣服其言而罷

富鄭公為樞密使英宗初立賜大臣永昭陵遺苗器物已拜賜又
例外獨賜公加厚公力辭東朝遣小黃門諭公此微物不足辭雖

家人亦以為不害大體屢辭恐違中旨公曰此固微物要是例外也大臣例外受賜不辭若人主例外作事何以止之竟辭不受石守道為舉子時寓學南都固窮苦學主侍郎聞其勤約嘗以盤飧遺之守道謝曰甘脆亦某之願但常享之則可若止得修一食明明何以復繼朝享膏粱夕厭粗糲人之情也某所以不敢當賜趙忠定初登第謁趙彥端德莊語之曰慎毋以一魁置胸中士大夫多被富貴誘壞今日于人主前得一二語獎諭明日于宰相處得一二語褒拂往往喪其守者多矣忠定拱手謝曰謹受教前輩名公鉅卿往往具知人之明如馬尚書之于呂許公陳恭公曾諫議致先之于晏元獻呂許公之于文潞公夏英公之于龐穎公皆自布衣小官時即許以元宰之貴不可一二數初非有袁李之術但以眼力高閱人多故耳

賀相國致鄉親戚友書據今日耳目觀聽豈不謂逢聖閣員矣乃
逢聖固自有根本不可忘者高曾以上事不及知先大父大母嘉
靖乙巳度荒三日僅黃豆一升歲除一母雞易米二升五合先中
憲赤貧授館諸生四十年一領青布直衣坐處方方一塊藍色先
恭人讓居于孀周旋數尺陋室中炊爨床即在床前上漏下濕烟
薰眼目即逢聖戊戌館于鍾祥己酉館于嘉善寺中或禦冬以絺
或六月薦草癸卯曉揚先日絕糧丙辰報至深夜丐酒使今日不
念根本忽作兩截人是自絕其祖宗父母之澤亦自絕其子孫嗣
續之緒也書之不勝哽咽用以力誠後人
湖廣御史朱謹吾為張居正建三詔亭居正作書辭之曰吾生平
學在師心不期人知不但一時毀譽不關念慮即萬世是非亦所
弗計况欲侈恩寵錫誇流俗乎且盛衰榮瘁陵谷變遷高臺傾曲

池平雖吾宅第且不能守何有于三詔者耶此書有才識故能
擔荷宇宙勿徒以權臣相擬

范文正公知杭州蘇麟為屬縣巡檢城中官兵往往皆獲書名獨
麟在外邑未見收錄因公事入府獻詩曰近水樓臺先得月向陽
花木易逢春公薦之

趙逢龍官侍講致仕丞相葉夢鼎出其門嘗謂師宅卑陋欲市其
隣居拓之辭曰隣里初安一旦驚擾非吾所願或問何以裕後笑
曰吾憂子孫行不進不患其飢寒也

范淳甫祖禹嘗語李方叔云李文正有言士人當使王公聞名多
而識面少此最名言也蓋寧使王公訝其不來無使王公厭其不
去

張九齡見朝士趨附楊國忠語人曰此曹皆向火乞兒一旦火盡

冰冷當凍裂肌膚暴骨溝中矣或勸張彖謁楊國忠見之富貴可
立圖彖曰君輩倚楊右相如泰山吾以為冰山耳皎日既出得無
失所望乎二人所見瞭如指掌

陳搏隱華山嘗戒門人种放曰子他日遭逢明主名動天闕名者
古今美器造物深忌之天地間無完名必將有敗之者放晚節侈
飾過度營產滿雍鎬遂喪清節

長興三年邢州汝州戍兵還見訖于殿庭遺下匿名書論本指揮
元霸率斂人錢物帝令張從賓按問樞密使范延光奏曰匿名文
字准格不治禁訟端也不宜按問乃止

范純仁弟純粹嘗任關陝慮其近西夏有喜功意貽書戒之曰大
輅與柴車爭逐明珠與瓦礫相觸君子與小人鬪力中國與外夷
校勝非惟不可勝兼亦不足勝不惟不足勝雖勝亦非也親屬有

請教者每示之曰惟儉可以助廉惟恕可以成德人皆書之座隅
宋太宗初年京師富民某方丐者登門乞錢意未滿遂詈罵不休
眾人環觀靡不忿之忽人叢中一軍尉躍出刺丐死擲刀而去勢
猛行速莫敢問者街卒具其事以聞以刀為徵有司坐富民殺人
罪既讞獄太宗索刀閱之遂納于室曰此吾刀也向者實我殺之
奈何枉人始知鞭笞之下何罪不承羅鉗吉網不必濁世乃罰失
入者而釋富民諭自今訊獄宜慎毋濫
張齊賢布衣時僦有大度困窘落拓嘗舍道上乞飲于羣盜之
中羣盜謂吾輩粗疏齷齪為秀才所笑齊賢曰大盜豈齷齪兒所
能為皆世失志之英雄耳羣盜滿酌飲之又競結以金帛曰他日
君宰制天下當念吾輩皆不得已而為盜也齊賢受之不辭重負
而返

李孝壽知開封府有士子為僕所凌忿甚亟縛之作狀欲送府會
為同舍勸解久之氣亦平因釋去自取其狀戲學孝壽押字判曰
以僕慢主不待勘案決鬻杖二十其僕怨之竊其狀赴府告曰秀
才學知府判狀私決人孝壽即令追之既至具陳所以孝壽翻然
謂僕曰汝罪當杖秀才所判正與我同真不用勘案命吏就讀其
狀如數責之當時皆稱其敏決

嘉定間楊伯子守湖州治聲冠三輔郡士相率肖像學宮伯子意
不悅會除浙東庾節將行辭先聖禮畢與校官諸生坐講堂命取
所祠像題詩其上云面有憂民色天知報國心三年風月少兩鬢
雪霜深更莫留形跡何曾廢古今不如隨我去相伴老山林遂卷
箴而行

袁中郎為蘇州令嘗云金閶自繁華長令自辛苦畫舫簫鼓歌童

溫州府志

舞女此豪客之事非令事也竒花異草孤岑危石此幽人之觀非
令觀也酒壇詩社紫陌朱門振衣莫釐之峰濯足虎丘之澗此遊
子之樂非令樂也令所對者鷄衣糧長黃口刁民蟻虱滿身之囚
徒而已蘇何有于令令何有于蘇哉請看來年吳縣堂上還有袁
知縣脚跡否

林靈素以方術得幸徽宗賜號金門羽客一日侍宴太清樓下見
元祐黨碑靈素稽首上怪問之對曰碑上姓名皆天上星辰臣敢
不稽首因為詩曰蘇黃不作文章客章蔡翻為社稷臣三十年来
無定論不知奸黨是何人

宋鼇山道人嘗卧太平州學諸生見而叱之曰莫欺間客也會作
詩諸生授以紙筆吟曰家在鼇頭最上山偶然踪跡到塵寰不妨
名利場中卧忙者自忙閒者閒

廣談助卷八

瑞安方鴻飛逸磐甫纂

合傳

趙文子所舉于晉國管庫之士七十有餘家趙武薦白屋之士六十家山濤為吏部嘗書賢士名于冊曰山公啟事呂蒙正為相夾袋中有冊子四方人才隨即疏而薦之虞允文為相懷袖有小方冊目曰材館錄以書一時人才之盛

漢太尉楊賜司徒陳耽每拜公卿嘗謂陳實未登大位愧于先之陳蕃為三公臨朝歎曰叔度若在吾不敢先佩印綬是故灌夫不負竇嬰于擯棄之時任安不負衛青于哀落之日徐晦越鄉而別楊臨賀後山出境而見蘇東坡宜其足以响千載之齒頰也王拱辰于洛之道德坊起屋三層而居司馬溫公于至道坊掘地

為室居之富鄭公嘗問邵堯夫曰洛中有何新事堯夫曰有一巢
居者有一穴處者詰之遂以二人為對鄭公大笑

陳登為廣陵守辟郡人陳矯為功曹矯謂登曰聞遠近之論頗謂
明公驕而自矜登曰夫閨門雍睦吾敬陳元方淵情玉潔吾敬華
子魚清修疾惡吾敬趙元達博文強記吾敬孔文舉雄姿傑出吾
敬劉玄德所敬如此安得為驕餘子碌碌非我所得知也

盧循盜賊而沙門慧遠與友善祖約叛逆而少與阮孚齊名王丞
相尤愛重之曰昨與士少語遂令人忘疲杜子美贈蘇渙詩序云
蘇大侍御渙靜者也渙竟煽動嶺表與哥舒晃作亂此皆事之不
可解者

天下萬事皆當以氣為主趙普氣蓋諸國故能混成一之烈冠準
氣吞醜虜故能成却敵之功范仲淹氣壑靈夏故西討而元昊歎

伏狄青氣懾嶺海故南征而智高殄滅至于韓琦富弼文彥博之
勲勞唐介包拯孔道輔之風節大抵以氣為主而已蓋氣勝事則
事舉氣勝敵則敵服勇者之鬪富者之傳非有他也直以氣勝之
云耳

周公不以夜行而慙影顏子不以夜浴而改容邵康節謂獨行不
愧影獨寢不愧衾張橫渠謂夢寐即白晝之為屋漏若康衢之見
趙清猷夜必焚香告于天司馬溫公事無不可對人言晉阮長自
謂一生不侮閤室宋李宓言顧影為儔而不懼此皆聖賢真實學

問一癩

秦白起賜死諸侯酌酒相賀楚殺子反晉文公為之側席而坐曰
莫予毒也已宋殺檀道濟魏人聞之喜曰道濟死吳子輩不足復
憚齊殺斛律光周武帝為赦其境內武則天殺程務挺突厥為宴

樂相慶仍為立祠每出戰即禱焉宋殺岳飛金人酌酒相賀嗟夫
毀干城資讐敵是尚可以策國乎
鄭玄事馬融三年不得見融使高業弟子傳受于玄玄日夜尋誦
後融嘗算渾天不合諸弟子莫能解聞玄有心計召令算之一轉
便合眾皆嘆賞及辭歸融喟然謂門人曰鄭今去吾道東矣楊時
至穎昌從學明道明道甚喜每言曰楊君最會得容易及歸送之
出門謂坐客曰吾道南矣
王播微時隨石塔寺木蘭院僧齋粥僧馱苦之飯後始鐘播題詩
於壁上堂已了各西東慚愧闍黎飯後鐘後二紀出鎮揚州向題
處僧已碧紗籠矣王即續云二十年前塵撲面而今始得碧紗籠
又魏野嘗從寇萊公遊陝府僧舍各有留題後復同遊見萊公詩
用碧紗籠護而野詩獨否塵昏滿壁時有官妓以袂就拂之野徐

吟曰若得常將紅袖拂也應勝似碧紗籠萊公聞之不覺大笑
量與勇不同橫逆之來祇逮我躬者當弘量待之如蘭相如謹避
廉頗辱已李沆不校狂生之訕蒙正不問朝士之名可也若事關
大綱當裁之以義豈容姑息如舜誅四凶周公誅管蔡孔子誅少
正卯漢高祖斬丁公皆發于理義之勇謂之無量可乎苟徒姑息
為事不知以義裁之小如胡廣馮道之頑鈍無恥大如魯莊公宋
尚宗含垢包羞忘父母兄不共戴天之仇是皆見義不為無勇者
也謂之有量可乎
王文正旦婿蘇耆應進士舉唱第之日故樞相陳康肅堯叟奏曰
蘇耆是故蘇易簡男王旦女壻上顧公曰卿女壻耶公不對斂身
少抑及出陳公謂曰相公何不一言則耆及第矣公笑曰上親臨
軒策天下士某為冢宰自薦親属于冕旒之前士于盈庭得不失

體陳公愧服

盧多遜為相子雍起家即授員外郎後遂為常呂蒙正奏曰臣忝
科甲釋褐止受九品京官况天下才能老于巖穴不能沾寸祿者
多矣今臣男始離襁緥未敢膺此寵命乞以臣舊日及第時所受
官補之自是止授九品京官
漢顧雍拜陽遂鄉侯還家家人不知後聞報乃驚唐書孫伏伽拜
御史先被內旨而制未出歸卧于家無喜色頃之御史造門子弟
驚白伏伽徐起見之夫封鄉侯而家人不知拜御史而子弟不聞
不可謂大耐官職也
真宗加向敏中為左僕射帝以即位未嘗除左僕射意敏中甚喜
賀客必多命學士李昌武密覘之云敏中方謝客門闌悄然庖中
寂無一人帝喜曰敏中大耐官職

楊礪為司理真宗嘗問何年及第礪唯唯不答後知其唱名第一
自悔失問謂礪不以科名自伐心重之礪決獄多平反一時權貴
無敢私干者

岑文本初拜中書令有憂色母問之答曰非勲非舊責重位高所
以憂也人有來賀之者輒曰今日受弔不受賀王文正旦晚年官
重每家人出賀立令止之因語弟曰遭遇如此愈增憂懼何可賀
也其意亦與此同

古人行事有卓絕孤高非尋常所得而師者呂叔季主焚梁獄詞
傅介子矯詔斬樓蘭汲黯矯詔發倉廩王霸合河水孔明七擒七
縱謝安石圍碁賭野唐太宗縱囚來歸郭汾陽單騎降虜韓昌黎
馴鱷魚張忠定下馬呼萬歲而靖蜀軍李文靖對使焚詔寇萊公
決策親征虞允文不奉命出師成采石之功若此之類皆非庸行

之常誰得而師之蓋古人之可師者常也經也不可師者變也權

也廣記

王荆公為相壽日光祿卿鞏申以大籠貯雀鴿詣客次播笏開籠
每一雀鴿叩齒祝曰願相公一百二十歲謂之放生時有邊塞之
主妻病而虞侯割股以獻者天下駭之為對曰虞侯為縣君割股
大卿與丞相放生

王荆公次子名雱為太常寺太祝素有疾娶妻龐氏逾年生子
雱以不類已殺之又與其妻日相鬥閨荆公知其子失心其婦無
罪遂為擇壻嫁之時又有員外郎侯叔猷荆公門人也娶槐氏少
婢叔猷死帷薄不肅荆公奏逐槐氏婦歸本家京師語曰王太祝
生前嫁婦侯工部死後休妻
程師孟嘗請於王介甫曰公文章命世師孟多幸與君同時願得

公為墓誌庶傳不朽俟死而刻之耳及王雱死督學檢正張安國
被髮藉草哭于馬前柩曰公不幸未有子今郡君娠安國願死托
生為公嗣語曰程師孟願死不得張安國願生不能鄙夫之鄙一
至于此
東坡子過范淳夫子溫皆出入梁師成門下以父事梁梁妻死欲
以母服之忌某人哀經而往明兵部尚書茹嘗太宗靖難首先勸
進封忠誠伯後死子鏞不肯襲爵宋晟通謀燕邸其子瑄乃以力
戰死于靈璧蘇范可謂見辱乃尊茹宋可謂有光乃父
邵文莊寶許州知縣所舉動多風教事正穎考叔祠墓改魏文帝
以祀漢愍帝祀范忠宣于襄城裴晉公于鄆城諭諸生以義利公
私之辨尤急民事立社倉積散法行計口給田法民便之
王質知蔡州蔡俗舊祀吳元濟公曰豈有逆醜而廟食耶狄梁公

李太尉德加蔡州人胡不為祠命工撤元濟祠廟建二公祠
南康府城西劉凝之墓朱元晦蒞茲土為作記公清風高節著當
時聞後世不幸饋奠無主邱隴且沒草棘中此長民者之責也乃
建垣立亭以戒樵牧
郭尚父子儀在河中禁無故走馬南陽夫人乳母之子抵禁都虞
侯杖殺之諸子泣訴虞侯縱橫之狀公叱而遣之明日對賓客歎
息數四以其事告客曰不賞父之都虞侯而惜母之阿孀兒非奴
才而何
韓弘惡李光顏忠勇思有以抗蠚之乃飾明名姝遺光顏光顏大
合將校置酒使者引侍姝至秀曼都雅一軍驚視光顏徐曰我去
室家久至為公憂遺以美姝誠厚德無以報然將士皆棄妻子蹈
白刃奈何獨以女色為樂厚贈使者遣之將卒感激

王均李順之亂凡官于蜀者多不挈家以行張公泳知益州單騎
赴任官屬憚其嚴峻莫敢蓄婢公不欲絕人情遂自買一婢以侍
中櫛自此官屬稍置姬侍在蜀四年被召還呼婢父母出貲以嫁
之仍處女也

百里奚以飯牛受知秦穆公卜式以牧羊金日磾以監馬受知漢
武帝人之才固隨用而見亦難其見而識之者世無秦穆漢武雖
秦龍之劉累終不遇也

宋太祖時陶穀久在詞林太祖曰頗聞翰林皆檢舊本改換詞語
世俗謂之依樣葫蘆後穀作詩書玉堂壁云官職須由生處有才
能不管用時無堪笑翰林陶學士年年依樣畫葫蘆帝薄其怨望
不用

洪武朝命耆儒錢宰與諸臣同在史館宰微吟曰四鼓鼕鼕起着

夜午門朝見尚嫌疑遲何時得遂田園樂睡到人間飯熟時察者
以聞次日上召諸儒諭之曰昨日所作好詩然朕實未嘗嫌汝也
朕今放汝回去可以睡到飯熟矣宰等惶恐請罪尋罷歸
周敦頤南安司理有囚法不當死部使欲深入之頤力爭不能直
乃委手板謝曰殺人以媚人吾不為也使者感悟因得生錢即睡
睦州理官會有大獄部使以宿怨檄即往挾薦牘動之即曰吾寧
老冗選中豈忍殺人以博一薦乎獄皆平反林積循州判官嘗覆
大獄忤部使者意使者初欲薦積因是已之積笑曰失一薦剗而
活五十餘人吾復何恨
魏公子無忌終席謙讓平原君不敢言獻五城漢尹翁歸不可私
干于定國不敢見其邑子顧廷尉協正冬衣單寺卿蔡子度欲解
襦與之憚其清嚴不敢發口曰顧郎難衣食者唐李尚書廡寢室

簾故妹夫劉晏為織鹿竹簾三至門而不敢發楊綰拜相京兆減
損駟從杜黃裳為相夫人樸素李師古不敢通賂賄宋陳履常罷
歸累日不飲傅堯俞聞之懷金往餽聽其議論不敢出口盛德之
士望之令人消其鄙吝此之謂身化
齊文宣不道裴謁之正諫文宣怒將殺謁之辭色不移帝曰
敢哉楊諳曰望陛下殺以取後世名帝投刃嘆曰小子望我殺爾
我終不成爾名遣人送去周宣帝昏暴京兆丞樂運與觀詣朝堂
諫帝大怒將戮之元巖請見帝曰樂運知必死欲取後世名陛下
殺之乃適成其名也不如勞而遣之以廣聖度因獲免
韓信為漢沛連敖坐法當斬其儔十三人皆已斬信仰視滕公嬰
曰上不欲就天下耶而斬壯士滕公竒其言釋弗斬王訢為被陽
令暴勝之欲斬之訢已解衣伏鎖勝之壯其志得不誅後為丞相

郭子儀為事當斬李白救之後為汾陽王狄仁傑授并州判佐闔
立本黜陟河南梁公為人誣告立本一見即驚謝曰仲尼觀過知
仁足下可謂海曲之明珠東南之遺寶特薦之遷并州法曹
朱雲折檻漢成帝曰勿易因輯之以旌直臣蕩陰之役晉惠帝曰
此嵇侍中血勿浣也陳禾碎帝衣徽宗曰留之以旌直臣此三君
者似皆有一隙之明而皆不得其死然漢成晉惠不至喪國辱身
者以安昌東海成都未有如蔡京童貫之禍其死于毒死于淫亦
未有如五國城之慘也
齊桓公會飲羣臣鮑叔牙奉觴曰願君無忘在莒時管仲無忘東
縛于魯時仲亦謂桓曰願君無忘射鉤臣無忘檻車其後馮異以
告光武曰願國家無忘河北之難小臣無忘巾車之恩魏徵告太
宗曰願陛下不忘布衣微不忘叔牙之為人君臣之間當如是矣

張侍中者即張旻遺言厚葬晏丞相殊遺言薄葬二公俱葬揚瞿
元祐中同為盜所發侍中壙中金玉犀珠充塞盜未近其棺所得
已不勝慰皆列拜而去丞相壙中瓦器數十盜怒不酬其勞斷棺
取金帶亦木為之遂以斧碎其骨厚葬免禍薄葬致殃楊王孫羸
葬之計踈矣

少府監裴匪躬善營利嘗奏賣苑中馬糞歲可得錢二十萬緡上
以問劉仁軌仁軌對曰利則厚矣恐後世稱唐家賣馬糞非佳名
也又匪躬以在司農寺按諸苑粥果蔬儲利佐公以墨勅示僕射
蘇良嗣判曰公儀休一諸侯相尚拔葵去織未聞天子賣果蔬與
人爭利事遂不行二公之對真可謂婉而正矣
宋張伯祥建議自恭人至孺人名號分等立價許貴家婦女及妾
投名分填則數百千萬不日可辦以佐國用又明時有營繕建議

各郡邑童生入價有差免所司試幸格不行不然是宋有納粟命
婦明有納粟童生銅臭誘及青幃爛羊濫及黃口亦一代之羞也
黃損連州人慷慨仗義每與桑維翰宋齊丘論天下事二人自以
為不及嘗遊五老峰下一叟長嘯而至謂維翰曰子異日作相然
而狡則不得其死謂齊丘曰子異日亦作相然而忍忍亦不得其
死獨與損曰子有道氣當得善終後維翰相晉齊丘相南唐皆見
殺世以為前定云徐庶少時任俠擊劍幾死人手其後折節學
問遂與卧龍齊名胡安國少時桀驁不可制其父鎖置空室置書
萬卷其中三月覽盡為世大儒張仲舉少好蹴踘走馬作音樂父
兄以為憂一旦翻然易業卒以詩文名海內故知學問文章俱能
善變氣質如此甚矣人之不可自棄也
韓魏公琦在相府有女樂二十餘輩及崔夫人亡一日盡厚遣之

張文節在政府莊憲后賜二婢公曰雖天后聖慈垂憫志豈可渝
遽召宅老呼其父兄還之王敦困病一日盡縱侍妾從後門去自
是英雄作用迥非凡輩可及

司馬炎篡魏其諸祖安平王子自稱有魏貞士不預廢立之謀武
后篡唐其侄安平王攸緒棄官不受其賜歸隱嵩山朱溫篡唐其
兄廣王金煜責其滅唐社稷知有覆宗之禍王莽篡漢其女為孝
平后稱疾不起守志終身曹丕篡漢其妹為孝獻后以璽抵軒涕
泣橫流楊堅篡周其女為天元后憤惋不平形于詞色徐誥篡吳
其女為太子漣妃聞呼公主涕泣而辭此可見天理人心之必不
泯矣 蜩笑偶言

張弘範為元伐宋其弟世傑奉宋抗元王安石為新法其弟安
國非之韓絳附會安石弟維爭之曾布陰禍善類弟肇移書勸之

浙工部元嘉書局藏書印

邪正相反誠若參商至若王處仲親為叛逆而其弟竺法深獨脫
然遊方之外此尤品之最卓絕者寄園
凶人可變為吉人清流可變為濁流周孝侯惡少也斬蛟伐虎遂
立功名永貞八司馬皆茂才異等也朶頤叔文之鼎而萬事瓦裂
克念罔念由已致之耳廣記
楚公子微服過宋門者難之其僕操箠罵曰隸也不力門者出之
晉王廐之敗沙門曇永匿其幼子華使提衣囊自隨津邏疑之永
訶曰奴子不速行捶之數十由是得免宇文泰與侯景戰河上馬
逸墜地李穆見之以策扶泰之背曰籠東軍士汝曹主何在而尚
留此追者不疑其貴人與之馬與俱歸朱泚之亂裴佖與衣冠數
人佯為奴求出城佖最寢陋自稱甘草門兵曰此數子定非奴如
甘草者不疑數事相類若郭子儀殺羊而裴諳劾之李祐進馬而

溫造彈之亦此意也

君子小人貌或相似而心不同徒形似而不驗其心則以優旃為

孫叔敖以虎賁為蔡中郎以成方遂為戾太子以蕭至忠為源乾

曜以楊國忠為裴寬者多矣其為禍也可勝言哉

呂參政以無功為左丞郭參政以失酒為少監辛參政以非材謝

病優拜尚書陳參政以新任失旨退歸兩省

禮三十而昏文王十五而生武王孔子二十而生鯉四十強仕堯

十三而佐封植禹十二而為司空

言鯖

文王十三生伯邑考十五生武王武王八十四生成王後又生唐

叔虞文王之為父最早武王之為父最遲

一齋

司馬溫公乘京師都人競觀即以相公目之左右擁塞馬不能行

市人登樹騎屋窺之曰願一識司馬相公至屋瓦為碎樹枝為折

齊王不之喜故錄此

溫造不為

WENZHOU LIBRARY

死之日京民罷市往吊家畫其像畫工有致富者蔡京南遷道中
市飲食之類民知為京皆不肯售至于詬罵無度吏卒驅之不息
居官賢不肖人心德怨一至于此誰謂夫婦之愚可逆施乎
第五倫守會稽妻自炊爨臨發老幼扳車號曰捨我何之廉范守
蜀除火禁百姓便之曰來時我單衣去時重五袴張霸守會稽舉
賢興學四野皆書聲民語曰城上烏鳴哺父母府中諸吏皆孝友
邵曄知廣州鑿河通舟颺不為害陳世卿代之奏免廣南口鹽廣
人歌曰邵父陳母除我二苦羅衡為萬年令路不拾遺人家牛馬
皆繫道旁曰此屬羅公者闔憲為綿竹令夜行得遺布帛者求其
主還之曰縣有明君何敢負化田元均治成都冇懦弱不能伸冤
者必委曲盡其情人謂照天燭吳越僮鎮永嘉政化翔洽後移姑
蘇温人有携家從者謂之隨使戶

趙清猷欲絕慾念嘗掛父母畫像于卧床中以自監趙康靖中歲
嘗置黃黑豆于几案以驗善惡之念歐陽文忠暮年有小疾不服
藥只孤坐習忘以却之文節構枯木庵死心寮以為養病之所伊
川于卧室中嘗置尖物劉元城謫炎瘴東坡謫瘴鄉惟以畫絕慾
念為萬全之良葯古人克己工夫如此
劉昆東昌人光武時江陵令歷弘農太守召問曰卿在江陵反風
滅火後守弘農虎北渡河行何德政而致是耶昆曰偶耳帝嘆曰
長者之言也
韓稜下邳令邳人德之立廟以祀徵拜司空平生不飲酒一日侍
上忽醉上問稜對曰臣今日降旦邳人或奠酬爾遣使徵訪果然
唐宋俎豆不絕封淵德公
田蚡正怒灌夫竇嬰乃言夫名冠三軍宣帝正怒蓋寬饒鄭昌乃

言饒進有憂國之心退有死節之義故二人卒不免凡欲解人之
怒湏是委曲先順其意然後徐以言語辨之若彼以為不是我却
偏以為是是激之怒也豈善救人者哉呂伯恭
呂僧珍出身甚微以販苺為業逮貴封侯兄子求官僧珍曰汝等
自存常分但當速歸苺肆不聽其求李太宰邦彥起家銀工既貴
其母常語昔事諸孫以為恥母曰宰相家出銀工則可羞銀工家
出宰相正為嘉事何恥焉一不忘苺肆一不忘銀工真是千古卓
識而得之婦人尤難
彭祖七百餘歲卒以少妻自隕其身北山道人修行千年為悅密
雲令之女遂被擒戮五戒禪師戒行精苦一悅妓女紅蓮竟墮惡
道七百年不足當其一瞬五戒四空不足當其一念尤物移人
可懼矣哉郭子

人	高	進	仲	之	有	矣	侃	客	周	一	陳
主	讒	一	于	次	大	過	侃	董	赴	榻	蕃
知	李	佞	桓	忠	忠	自	不	昭	呼	管	為
佞	斯	而	公	也	有	標	前	枕	左	寧	豫
之	而	百	可	以	次	榜	之	蘇	右	與	章
讒	秦	佞	謂	是	忠	之	曰	則	曰	華	太
讒	亡	進	次	是	有	謂	吾	膝	移	歆	守
忠	無	退	忠	諫	下	何	席	卧	吾	割	特
而	極	一	子	君	忠		非	則	床	席	為
不	讒	忠	胥	而	以		奄	推	遠	而	徐
知	伍	而	于	非	道		人	下	客	坐	穉
佞	奢	百	夫	之	覆		所	之	江	劉	子
之	而	忠	差	下	君		坐	曰	數	暹	設
讒	楚	退	可	忠	而		若	蘇	見	對	一
讒	昭	是	謂	也	化		此	則	紀	孔	榻
國	奔	以	下	若	之		數	膝	僧	過	為
也	斬	宰	忠	周	大		人	非	慎	舉	樂
	尚	嚮	矣	公	忠		不	佞	命	案	安
	讒	讒	韓	于	也		以	人	左	自	太
	屈	子	詩	成	以		察	枕	右	隔	守
	原	胥	外	王	德		察	張	曰	張	特
	而	而	傳	可	調		受	教	移	見	為
	懷	吳		謂	君		汶	吾	吾	狄	周
	王	滅		大	而		汶	床	床	當	璆
	困	趙		忠	輔		是	遠	遠	設	
				管							

李密初為祖母陳情辭官後以遷延怨望獲罪方望始諫隗囂稱
王後立劉林以死李迥秀為母出忤婦晚為張阿臧私夫劉殷孝
子而以二女奉劉聰至太保房玄齡妻為夫病剔目後以妬聞太
宗脇之以毒而不懼臧質之守盱眙臧耿恭孔顛之清節何愧
羊續素凱之才氣亦不下其舅蔡興宗而卒以從亂被誅人固不
可以本末槩論也
晉武始登祚探策得一王者世數視此多少帝不悅羣臣失色侍
中裴楷進曰臣聞天得一以清地得一以寧侯王得一以為天下
貞帝悅羣臣嘆服梁武帝問王侍中份曰朕為有耶為無耶對曰
陛下應萬物為有體至理為無宋文帝釣天泉池垂綸不獲王景
文曰良由垂綸者清故不獲貪餌
晉桓玄篡位初登御床而陷殷仲文曰將由聖德深厚地不能載

梁武宮門灾謂羣臣曰我意方欲更新何敬容曰此所謂先天而
天弗違又武帝即位有猛虎入建康郭象入江陵上意不悅以問
羣臣無敢對者王瑩曰昔虞廷擊石拊石百獸率舞陛下膺籙御
圖虎象來格甚矣三人之謫也

王肅有三反方於事上而好下佞己性嗜榮貴而不求苟合吝惜
財物而治身不穢却公有三反方于事上而好下佞己治身清貞
而大修計校自好讀書而憎人學問李嶠有三戾性好榮遷而憎
人陞進性好文章而憎人學問性好貪濁而憎人受賂此如古有
女君性好肥鮮禁人食肉性受愛羅綺斷人衣錦性好淫縱憎人
畜聲色三人得無類是耶

王文正居宰府三年未嘗見愛惡之迹天下謂之大雅寇萊公左
右天子卻戎狄保社稷天下謂之大忠樞密馬公慷慨立朝有犯

遠	呂	寢	禮	濩	為	淝	動	兵	曰	喜	無
色	正	不	不	瑗	金	水	不	貴	琦	色	隱
無	猷	愧	替	不	人	任	挂	靜	所	若	天
窘	公	衾	冀	以	所	福	羅	不	不	己	下
少	自	者	缺	昏	臧	敗	網	貴	及	出	謂
無	少	也	耕	行	不	于	魚	動	三	劉	之
情	講	劉	于	變	動	好	鼈	虎	君	集	大
容	學	子	垌	節	也	水	不	豹	子	賢	直
凡	即		野	衛	此		動	不	者	聞	此
嬉	以		夫	武	勝		不	入	名	人	三
笑	治		婦	不	負		櫻	陷	位	善	君
俚	心		之	以	之		絲	阱	皆	稱	者
俗	養		敬	屋	明		綸	靡	隆	揚	皆
之	性		不	漏	驗		兵	鹿		不	一
語	為		哀	墮	也		徒	不		已	代
未	本		此	箴			不	動		韓	偉
嘗	寡		皆	句			動	不		忠	人
出	嗜		所	踐			不	罹		猷	也
諸	慾		謂	拘			蹈	不		聞	杜
口	薄		獨	于			死	符		人	正
于	滋		立	石			亡	融		小	猷
世	味		不	室			符	敗		善	聞
利	無		愧	君			于	于		必	人
紛	疾		影	臣			羽	不		歛	善
華	言		獨	之			不			手	

漢書卷之九十四 卷之九十四 卷之九十四

溫州府志

弟也與可慨也已	漢一吳一魏各為其主然則文山不幸而有子世傑亦不幸而有	世傑弘範兄弟也一為宋抗元一為元滅宋又不若諸葛兄弟一	子人間讀史各君臣又云可惜梅花各心事一枝向暖一枝寒張	白血烈矣嗣子陞仕元為學士及卒或有挽之云地下修文同父	道不貸賍吏法急于濟貧恤孤逋租必貫免文文山死宋柴市	無良馬衣不熏香公退必讀書手不釋卷在官不奏祥瑞不度僧	禮律身居家無事亦端坐拱手出內齋未嘗不束帶三為大鎮廐	一木榻積五十餘年未嘗箕股其榻上當膝處皆穿柳仲郢以	生終日端坐如泥塑人及至接人則渾是一團和氣管寧嘗坐	論踰時體無歌側肩背竦直身不少動至手足亦不移明道先	聲伎遊宴以至于博奕竒玩淡然無所好劉忠定公見賓客談
---------	---------------------------	---------------------------	---------------------------	---------------------------	--------------------------	---------------------------	---------------------------	--------------------------	--------------------------	--------------------------	--------------------------

唐中宗嘗召宰相蘇瓌李嶠子進見二子同年上曰爾各直記所
誦書言之瓌子頰應之曰木從繩則正后從諫則聖嶠子亦進曰
斫朝涉之脛剖賢人之心上曰蘇瓌有子李嶠無兒
佳人多薄命才子亦薄命綠珠紫玉必不老于秦楚之宮賈誼相
如必不產于金張之室五花誥七香車非彤奩之俊物千金裘萬
錢箸非名士之風流銅臺金屋紅顏黃土矣而怨女之名猶傳麟
閣馬門青衫白骨矣而貧士之文獨著天之報甚矣厚矣誰謂真
命之薄哉
女非妬色也妬寵耳士非嫉才也嫉位耳班女紅妃老于民家則
飛燕玉環之譖不起否則無益嫫母能免河東獅吼乎靈均子胥
仕于隣國則上官太宰之訴不行否則蜚廉惡來能免君門犬狺
乎故真能妬色邢尹可稱佳人真能嫉才蘇張亦號奇士

襟俎

師不必眾也而效命者克士無皆勇也而致死者勝古之人有以
 眾而敗以少而勝者王尋王邑以百萬而敗于三千之光武曹公
 以八十萬而敗于三萬之周瑜符堅以百萬而敗于八千之謝玄
 何者弱則思奮而強則易懈故也
 歸師勿遏曹操所以破張繡皇甫嵩犯之而破王國窮寇勿追趙
 充國所以緩光零唐太宗犯之而降仁杲百里而爭利者蹶上將
 孫臏所以殺龐涓趙奢犯之而不破叛羌強而避之周亞夫所以
 不擊吳之鋒光武犯之而破尋邑石勒犯之而破姬澹兵少而勢
 分者敗黥布所以覆楚軍曹公用之拒袁紹而斬顏良臨敵而易
 將者危騎劫所以喪燕師秦君用之將白起而破趙括凡此者皆
 非法之所能膠也
 蘇子瞻謫儋耳以儋字與瞻字相近子由謫雷州以雷字下有田



字黃魯直謫宜州以宜字類直字此章惇狎侮三公也意也有術
士解之曰儻後立人安能北歸雷雨在田上天之澤未艾宜與直
有益棺之義其不返也必矣後悉如言奸臣播弄忠良亦若有天
假之者
魯君問柳下惠吾欲伐齊何如柳下惠曰不可歸而有憂色曰吾
聞伐國不問仁人此言何為至于我齊傳槐女造晏子之門晏子
曰嬰其有淫色乎何為而見奔大凡言與物未有無因而至者柳
晏所以自反如此楊伯起故人金得至其門能無內自訟耶
何尚之吏部郎歸省傾朝送別父叔度笑謂此送吏部郎非關何
彥德高爽常經晉陵詣劉蒨了不相接俄爽代蒨為縣蒨迎贈甚
厚爽受餉得書曰高晉陵自答人問故爽曰劉蒨自餉晉陵令耳
何關爽事二事可覘世情亦足嘲人之好趨承者

安史為聖好人之所惡惡人之所好古有之矣顧跖催承嗣不足	盜跖以孔子為偽蘇軾以程顥為奸季催以董卓為忠田承嗣以	則夫萋斐之成貝錦哆侈之成南箕又奚怪其然耶	人鱗以房帷之醜文信公百世之人傑也而讒夫誣以匿服之罪	唾之師德仰藥之唐恪果何為哉歐陽公一代之偉人也而人小	迹于偽楚而卒就溥天左袒之績論者猶咕咕動其謠啄則夫受	狄仁傑含垢忍恥于偽周而卒成取日虞淵之功呂好問辱身污	血氣其勇者義理也 <small>呂東萊</small>	子長不滿六尺崔慶之盟白刃在前毅然責育不能奪蓋其怯者	趙文子退然如不勝衣宋之盟當衷甲之變神簡氣定而不亂晏	羽傷而不傷此雖一時應變之智實足以啟霸王之業	齊桓公中鈞佯僵以緩子糾不傷而傷漢高祖中胸捫足以誑項
---------------------------	---------------------------	----------------------	---------------------------	---------------------------	---------------------------	---------------------------	-----------------------------	---------------------------	---------------------------	-----------------------	---------------------------

道奈何以軾而亦為之君子之不仁不以是執
韓信為呂后所殺韓通為杜后所殺韓侂胄為楊后所殺韓震為
謝后所殺四人同姓皆身為將相俱死于婦人之手噫亦異矣
朝夕寢門問安視膳大執文王允為千古止孝中裙廁踰躬親洗
滌賢執內史卒名孝謹家風沐樹途傍禁止蔭戲霸圖隘矣猶有
江漢喬木不可休息遺意殺玃無罪逃嫁不母秦法苛矣尚存毳
莢大車畏子不敢王風
孫臏強而示之弱虞詡弱而示之強祖逖檀道濟飢而示之飽岳
忠武飽而示之飢句踐以降吳者沿吳伯約以下會者謀會伯比
羸師以張敵為賈累北以誘賊勝廣假妖以威眾世充托夢以誓
師田單師小卒以神道疑敵李晟
熒惑不欲以天道疑軍兵道
之變化何窮亦在乎善于用之者耳

韓持國知穎州時查彥以狀元判州事每見自稱狀元持國怒曰
狀元豈無官耶自是改呼僉判彥常銜之馬涓嘗以狀元判秦州
亦自稱狀元秦帥呂晉伯曰狀元者及第未除也既為判官則勿
稱矣涓愧謝公二事相類而一銜一謝固自其品不同然持國厲
聲而說故其人怨晉伯平心道之故其人悅程子云凡與人言者
理勝則事明氣忿則招拂漢高帝作大風歌曰大風起兮雲飛
揚安不忘危其霸心之存乎武帝作秋風辭曰橫汾兮哀情多樂
極生悲其悔志之萌乎
從來容小過者以一長馱釋大仇者以死力報惟酬報之情迫于
中故其長觸之不覺其而必試其力激之不靳而必竭是以梁葛
周不言視姬之小卒神世衡笑賜戲姬之部落兵有唐張說不罪
盜婢之門下生金元帥不殺報仇之卒妻漢袁盎追及侍兒之從

史終賴以免禍救敗此皆將士中之杰然有識者也彼夫計過加
責索事尋仇者豈非大愚之人乎哉
天倫王法二者持世之大端賈彪舍賊冠而案殺乎柳公綽置賊
吏而誅舞文此種識力于感化成俗有餘若丙吉不問路旁死人
而問牛喘未免失之迂腐
資格束人國家安得真才之用若立賢無方則蕭穎士之僕憐才
范諷之老隸直挺可為吏部郎甄珍之奴奉公趙清猷之老兵未
往可為師傅祭酒其他一才一伎又不可枚舉矣
子貢贖魯人于諸侯而讓其金夫子曰魯人自此不復贖人矣子
路拯溺而受人之牛夫子曰魯人自此必多拯溺者矣可知人之
為善不論現行論流弊不論一時論永久不論一身論天下
曹參可以繼蕭何費禕可以繼諸葛此君子所以自行其氣脉也

若乃不貴李勣以遺孝和不貴張齊賢以遺真廟是人主自以私
恩為市非帝王之公矣
張讓眾所棄也而陳太丘獨不難一弔張懷素眾所奉也而程伯
淳獨不輕一行明哲保身豈有定局二公之識並行不悖可也蔡
邕就董卓之辟而不免其身韋忠辭張華之薦而竟其禍武三
思韓侂胄皆小人也三思有罪宜討而除之侂胄有功宜賞而遠
之五王汝愚憑恃才位忠謀不從而自貽伊戚悲夫
秦伐楚王翦將兵六十萬臨行請美田宅園池為子孫業漢高祖
任蕭何以關中事何多買田宅以自污陳平當呂氏異議之時日
飲醕酒弄婦人為戲裴度當宦官熏灼之時退居綠野飲酒賦詩
不問人間事韓世忠既罷杜門絕客縱酒西湖自樂古人功盛位
極皆能明哲保身例如此所以絕上下疑忌之心亦智矣紘至若

正不可謂無人寄園

壽者五福之一得之有幸不幸焉申公年八十餘應聘而先數年而死則為治不在多言之對不載漢史夏貴七十九降元使先數年而死則忘君事仇之恥不載宋史壽亦何負于人乃人自負壽耳後有人吊夏貴詩云自古誰不死惜公遲四年此可為人自負壽之證廣記

褚彥回身事二姓弟焯歎曰使淵作中書時死不當是一名士耶世德不昌今有期頤之壽何佟之一日十沐浴劉寬經年不洗浣陰子春經歲不濯足蒲傳正一日有大小濯足何人之稟性不同如此李文正昉為相有求差遣者見其人材可取必正色拒之已而擢用或不足收用必和顏溫語待之子弟或問其故公曰用賢人主

齊王... 卷之...

之事我若受其請是市私恩也故峻拒之使恩歸于上若其不用
既失所望又無善詞此取怨之道也 劉宋王弘自領選及當朝
德錄將加榮爵于人每先呵責譴辱之然後施行若美相盼接欣
懽者必無所諧人問其故答曰王爵既加于人又私相為撫勞便
成與上分功此所謂姦以事上也若求者絕官叙之分既無以為
惠又不微借顏色即大成怨府亦鄙薄所不屑眾服其言
李侍郎藩嘗綴李賀歌詩為之集序知賀有表兄與賀筆硯之舊
者召之托以搜訪所遺其人敬謝彌年絕迹不至李公復召詰之
其人曰某與賀中外自少同處恨其為人傲忽常思報之不遂今
所得舊有者一時投于火溷中矣李公大怒叱出之嗟恨良久故
賀篇什流傳甚少
蕭穎士恃才傲物嘗携酒郊野風雨驟至有紫衣老人避雨穎士

黃謙	自罰	云須	理之	令狐	過見	樂後	負重	劉敞	負文	書也	頗肆
工部		知此	暇時	絢嘗	疎官	復忤	望獨	字寬	學名	穎士	凌
主事		恨人	一覽	以舊	止中	韓魏	推敞	父清	名踞	明日	震
會試		人多	古絢	事訪	中書	公弟	博學	江人	忽如	具長	逡
時過		積悔	銜之	溫庭	人有	字貢	嘗携	式之	此將	長牋	巡
書肆		讀南	奏溫	筠答	公非	父亦	五代	孫官	止于	造門	雨
有菊		華第	庭筠	曰事	集行	好謔	史就	集賢	于一	謝尚	霽
叢話		二篇	有才	出南	世	少與	訂敞	學士	第乎	尚書	車
四冊		其亦	無行	華非		王安	間以	所著	穎士	責曰	馬
持閱		悔之	不許	僻書		石善	謔語	有公	後果	恨非	呵
之傍		晚矣	登第	也願		善後	酬之	是集	終于	親屬	殿
一人		遂舉	庭筠	相公		卒以	修頗	歐陽	揚州	當庭	而
		觴以	詩	燮		口	不	修	功曹	訓之	去
										子	曰
											吏
											部
											王
											尚

從之借閱視其貌寢甚調之曰老鼠拖生薑譏其無用也其人微
笑私問黃姓名後與黃同第官刑部會黃以黃緣事發詔送法司
其人生黃受賍削籍過司之日大聲喝曰汝知老鼠拖生薑乎黃
始悟結怨之由

楊大年弱冠與周翰朱昂同在禁掖時二公年老大年每論事則
侮之曰二老翁以為何如翰不能堪正色謂之曰君莫欺侮我老
老亦終留與君昂曰莫留與他免得後人欺侮厥後大年不及五
旬而終求為老翁不得此事可為少年英俊侮老慢賢之戒
人謂元亮之子愚元亮正欲其愚蓋智則取偽朝之富貴愚止覓
床下之梨栗人謂孔明之婦愚孔明正欲其愚蓋美則床第或以
溺志惡則寧靜可以致遠如如子
朱枯一子蠹剪樹而棄之縛錦一寸點金疋而燔之仲尼見人一

善忘其百非鮑叔聞人一過終身不忘夫子如斯之弘鮑叔如斯之隘聖賢之量相去遠矣劉子

惡之欲其死眾人之情愛之欲其生君子之心蓋網常九鼎生死

一毛南霽雲被執未死張睢陽大呼男兒以速其死文天祥被執

未死王鼎翁作生祭文以速其死是皆所謂成人之美者也廣記

朱元晦曰明道渾然天成不假人力伊川工夫造極可奪天巧

又曰明道之學從容涵泳之味洽橫渠之學苦心力學之功深

小疵不足損大器短疚不足慮長才黃河合泥滓之濁峻山藏汗

穢之藪故奢侈不可以廢夷吾奪田不可以薄蕭何竊妻不可以

棄相如受金不可以斥陳平抱朴子

夷齊匿跡于首陽非欲稱德于人而人自稱其德巢許韜光于箕

岫豈為道揚于世而世自揚其道妙明子

天爵有罔極之尊人爵無違德之貴故仲尼雖匹夫而享祀于百
代辛受為帝王而羞比于僕豎商老身雖賤而名愈貴幽厲位彌
著而名彌惡齊王之生不及柳惠之墓秦王之宮未若康成之閭
抱朴子
相如病于金馬長吉死于玉樓君實摧于秋風靈均溘于朝露胡
畀之良胡奪之速是以豪士夬志仰天而問履霜而悲凌雲托之
大人造物比之小兒蓋憤簸弄之叵測而痛英雄之難遇空峒子
漸漬之久膠漆解堅浸潤之至骨肉乖析塵羽之積沉舟折軸三
至之言市中成虎故江充于非親于元儲後母非密于伯竒而
梗之誣滅父子之恩袖蜂之誑破天性之愛又况其他安可自必
嗟乎伍員所以懷忠而漂尸悲夫白起所以秉義而刎頸也唐
宰相韋貽範以母喪罷去制未滿急求起復昭宗詔還位命韓偓

草制偃辭曰腕可斷麻不可草武后時李元紘遷雍州司戶太
平公主與僧爭碓磴百官皆順旨元紘遂判于寺僧長史竇懷貞
大懼迫令改之元紘大署判後曰南山可移此判終無搖動
宓不齊單父宰父事者三人兄事者五人友事者十二人居鼓
琴不下堂而邑治巫馬期亦宰單父戴星而出戴星而入身任其
勞而邑亦治此任人任己之分也
陳留李崇和厚決斷性任財賄會上諭王公以下從者百餘人皆
令任負布絹即以賜之嘗與章武主融以所負多顛仆于地崇乃
傷腰崇至折脚時人為之語曰陳留章武賜傷腰折股貪人敗類
穢我明主取譏于人如此
陸雲見人便笑阮籍途窮輒哭使兩人相遇于道一笑一哭必有
可觀然陸之笑非癖也詼諧耳阮之哭非狂也悲憤耳天下可笑

之人既多可哭之事亦不少

卷之五



温州市图书馆

WENZHOU LIBRARY

廣談助卷九

適志

瑞安方

逸盤甫纂

了塵吟半間屋六尺地雖不莊嚴却也精緻蒲作團布作被日間
 可坐夜間可睡燈一盞香一炷村醪數杯長歌幾句窗常開戶常
 閉好人相迎惡人遠避髮不剃肉不忌道人心腸儒家服制不參
 禪不說偈但無妄想亦無妄意不求榮不貪利敝屣萬乘浮雲千
 騎無罣碍無拘係了清淨緣作解脫計也非庵也非寺在家出家
 在世出世來無因去無際畢我這生任他後裔
 人日自笑是官不垂紳是農不秉耒是儒不伊吾是隱不菜是
 貴着荷芟是賤宛冠佩是靜非杜門是講非教誨是釋長鬢須是
 仙擁眉黛倏而枯寂林倏而喧囂門逢花即命歌遇酒輒呼簞曠

通和不可不依

北龍屈伸類馬方內外下惠本介和夷逸乃清廢一身等輕雲飄
然付大塊素中郎

村居一畝園臨池幾間屋繞砌春苔滿沼籬繁樹木琴床一張布
被一幅月白風清山明水綠春有桃花夏有蓮冬有梅花秋有菊
長嘯一聲頻歌一曲有客可留有書可讀風雨寒暑不出門行住
坐卧無拘束人生何必求富貴無如守此清閒福
獨酌謠獨酌獨長謠智者不我顧愚夫余不要不愚復不智誰當
余見招所以成獨酌一酌一傾瓢生涯本謾謾用意暫迢迢再酌
矜許史三酌傲松喬頻煩四五酌不覺凌丹霄倏爾厭五鼎俄然
賤九韶彭殤無異葵夷跖可同朝龍蠖非不屈鵬鷄本逍遙寄語
曉叟俗無乃太塵囂沈英華
北宮子云短褐有貂狐之温菽菽有稻粱之味蓬室若廣廈之

蔭華路有文軒之適終身迥然

人生七十古來少前除幼年後除老中間光景沒多時又有風霜

與煩惱不必中秋月也明不必清明花也好花前月下且高歌急

須滿把金樽倒世上錢多賺不盡朝裡官多做不了官大錢多心

轉憂落得自家頭白早春夏秋冬撚指間鐘送黃昏雞報曉諸君

細點眼前人順時行樂可自保

唐伯虎

幽居自適淨掃塵埃護惜蒼苔任門前紅綠鋪排景堪圖畫趣也

竒哉有幾樹松數年竹數枝梅花木栽培取次教開明朝事天自

安排知他富貴又幾時來但且優游且隨分且寬懷

人世丹丘梅花遶屋豁迎眸天桃媚柳丹桂紅榴却也宜春也宜

夏也宜秋酒熟堪籥客至須留更無榮無辱無憂閒退一步着甚

來由但倦時眠渴時飲醉時謳行香子

鮮	暖	名	於	卧	高	扶	起	悠	人	北	小
朝	騰	牧	今	吹	間	輿	湘	然	懷	水	門
卿	騰	也	揮	簫	處	清	簾	日	詩	也	深
自	罷	知	手	且	為	氣	放	高	是	幽	巷
用	看	名	謝	度	高	屬	出	丈	生	哉	巧
卿	醫	歸	浮	今	一	吾	爐	我	涯	東	安
法	經	來	生	朝	庭	曹	烟	猶	酒	風	排
吾	又	風	非	誰	踈	莫	荷	眠	是	昨	沒
亦	看	景	不	管	竹	怪	花	不	生	夜	有
愛	丹	逼	閒	明	間	粗	池	是	涯	送	塵
吾	經	人	爭	朝	芭	豪	館	神	一	春	埃
盧	李	清	是	一	蕉	莫	晚	仙	生	來	却
一	九	雪	不	剪	風	笑	涼	誰	花	纔	有
生	我	滿	閒	梅	也	風	天	是	風	見	莓
着		中	爭		瀟	騷	正	神	月	梅	苔
幾		庭	偏		瀟	算	好	仙	且	開	自
兩		月	舟		雨	來	談	綠	隨	又	然
屐		滿	湖		也	名	禪	楊	緣	見	瀟
安		中	上		瀟	利	又	深	窮	桃	洒
用		庭	放		瀟	也	好	處	也	開	勝
美		一	歌		木	徒	談	晝	悠	十	蓬
哉		爐	行		樨	勞	玄	鳴	然	分	萊
車		松	漁		香	何		蟬	達	相	山
種		火	也		裡	處		搥	也	稱	也
得			知			為				主	幽

温州府志卷之三

東籬五柳飲得東臯此外又何須已夢我為蝶誰識子非魚書
咄咄稱好辭如如不如說鬼妄言妄聽莫辭無人貴及時行樂我
也逢場作戲軟飽黑甜餘莫問九州事且卧一床書水調歌頭
世事短如春夢人情薄似秋雲不須計較苦勞心萬事原來有命
幸遇三杯酒美况逢一朵花新片時歡送且相親明日陰晴未定
西江月朱希真

迷懷清夜無塵月色如銀酒斟時須滿十分浮名浮利休苦勞神
似隙中駒石中火夢中身雖把文章開口誰親且陶陶樂取天
真幾時歸去作个閒人背一張琴一壺酒一溪雲行香子蘇東坡
對酒詩百歲無多時壯健一春能幾日晴明相逢且莫推辭醉唱
徹陽關第四聲
鏡湖歌千金不須買畫圖聽我長歌歌鏡湖湖山奇麗說不盡且

小	浮	春	蒼	兒	物	思	迎	鰕	九	林	復
自	生	趙	玉	啼	也	隱	笑	魚	月	薄	為
在	日	昌	搖	乃	無	堂	我	旋	十	兩	子
朝	月	文	綠	翁	惟	西	遙	洗	天	岸	陳
魚	如		雲	對	有	昌	指	白	放	紅	吾
暮	驚		月	竹	竹	主	一	蓮	翁	蓼	廬
肉	丸		梢	方	俸	簿	抹	藕	艇	連	柳
之	惟		風	哦	錢	如	西	從	子	菰	姑
腥	靜		葉	詩	三	禪	村	渠	無	蒲	廟
穢	卧		最	詩	月	僧	烟	貴	時	陂	前
惟	是		關	人	不	日	陸	人	息	南	魚
靜	小		情	與	曾	食	務	食	船	陂	作
卧	延		勤	竹	支	秋	觀	萬	頭	北	市
是	年		渠	一	竹	菊		錢	一	雁	道
小	人		未	樣	陰	的		放	束	陣	士
齋	生		要	瘦	過	春		翁	書	黑	莊
戒	勞		思	詩	午	水		痴	船	舍	畔
智	攘		舊	句	未	西		腹	後	東	菱
爭	如		隱	與	曾	昌		常	一	舍	為
力	飛		且	竹	炊	官		便	壺	西	租
戰	塵		與	一	大	舍		便	酒	楓	一
之	惟		西	樣	兒	如		暮	新	葉	灣
險	靜		昌	秀	叫	佛		歸	釣	赤	畫
惡	卧		作	故	怒	屋		稚	紫	正	橋
惟	是		好	山	小	一		子		當	出

温州府志卷之三十一

靜卧是小三代至于夢寐之間見聞新遊覽廣無足而行無翼而

飛又是小冲舉

陳眉公

風雨菴到此菴中屏絕禮教病不見客隘不留卧經過遊觀自來

自去送迎應對一概求恕久坐閒談爾我兩誤知者無言怒不亦

不顧問我何為木雕泥塑

吕晚村

人生通患髮短心長石火易陰河清難俟如欲住世出世須是知

幾息幾不與造化爭權造化還之造化即與兒孫種福兒孫付之

兒孫抽討物外之閒身夷猶眼前之勝事尋花問月兩兩三三淪

茗焚香雍雍雅雅會不必約禮不必文詩不必工奕不必勝凡事

只求日滅此心直與天遊

祝石林

鄉社約語百歲光陰萬物乃天地逆旅四時行樂吾輩亦風月主

人幸居同泗水之濱况地接九山之勝儘可傍花隨柳庶幾遊目

騁懷節序駸駸莫負芒鞋竹杖杯盤草草何慙野藪山肴雖云一
晌清歡亦是百年佳話敢煩同志共作邀頭慨元祐之光陰耆英
衣冠邈矣集永和之少長觴咏依然林昉
朋儕之內勿尚虛禮不迎客來不送客去賓主無間列坐不忌直
率為約簡素為貴有酒且酌無酒則住清茶一啜好香一炷閒
談古今靜玩山水勿言是非無問官事行立坐卧忘形適意冷淡
家風林泉清致道義之交如斯而已羅列腥羶周旋布置俯仰奔
走揖讓拜跪內非真誠外徒狡偽一闕利害反覆相視此世俗交
切當屏棄
賞花約良辰樂事雖曰難并旨酒嘉肴豈容獨賞茲者小園竹木
粗有可觀故里賓僚可踈一宴忍教康節獨擅花時敢擬右軍同
修禊事伊誰有語花枝羞上老人頭來日無多此樂莫令兒輩覺

玉盤濯月已煩竹裏行厨綉勒攢香暫駐花邊駿馬王秋澗

座右編溫公率真之會饌不過五子瞻泰福之箴儲只用三山谷

五椀自節敬軒隻雞留啖魏文靖之一肉一菜不為儉張莊簡之

不擡飯不宰牲以為酣匪直存淡泊而可久亦將戒奢靡而防貪

四本堂

十畝之宅五畝之園有水一池有竹千竿勿謂土狹勿謂地偏足

以容膝足以息肩靈鶴怪石紫菱白蓮皆我所好盡在我前時飲

一杯或吟一篇妻孥熙熙雞犬閒閒優哉游哉終老其間

三三徑楊廷秀東園新開九徑以花九種各植一徑乃作詩曰三

徑初開是蔣卿再開三徑是淵明誠齋奄有三三徑一徑花開一

徑行

富貴非樂湖山為樂湖山非樂孰若自得者之無愧忤屈伸榮辱

自去來外物于我何有執爭如一笑解其縛脫屣人間有真樂噫
斯人也天隨子之徒與振衣千仞岡濯足萬流微斯人將誰與儔
白沙子

萬綠陰中小亭避暑洞達八窗几簟皆綠忽聞雨過蟬聲風來花
氣不覺令人自醉箕踞于班竹林中徙倚于青石几上所有奇
笈秘書或校讐四五字或參諷一兩章茶不甚精壺亦不燥香不
甚良灰亦不冷短琴無曲而有絃長歌無腔而有音激氣發于林
樾好風送之水涯若非羲皇以上人定亦嵇阮兄弟之間
芳蘭綠竹玉女蒼公天喬蠕動莫非天機活潑鄭圃花閒漆園蝶
舞臨庾樓而月明千里遊梁苑而雪滿羣山此何如襟期執風塵
自擾太虛自聞蒼琅子

寓形霄壤不翅蟻蠓然電之滅也烏之空也駒之過也川之逝也

才騫氣雄者封秦于函谷走楚于烏川
燕即墨之牛怒崑陽之虎
颯颯乎海水立起而應龍天飛也
志高行潔者擊壺而越吟倚柱
而吳嘯悠然南山之耕落然滋泉之釣
子乎清風蕩俗而神豹
露盤也參玄入冥者陰隆伏骨陽著方
曠御躋虛之龍韞服太極
之麟脯驅木羊而上下覩銅狄而摩挲
飄飄乎雲卧天行而神潛
雪飛也馳功驟名者翌聖登皇矩地規
天負公旦之辰秉伊尹之
衡箸借留侯圖畫諸葛菟菟乎垂猷
竹帛而紀績鐘鼎也之數者
疇非達人志士之所驚然而弗可恃也
弗可幸也濯足咸池之水
晞髮博桑之山豁氣燄于人表發忠信
于天光不自有求其所以
為我者在耶龍門子
走紅塵孰若對青山叩朱門孰若步綠
野毛錐計賞皮甲封堤孰
若巖花數枝林鳥幾陣
惴惴青鋒之下逐逐紫陌之中孰若白雲

寓素衾內斲一境且不知我身放在天地間

陋室銘山不在高有仙則名水不在深有龍則靈斯是陋室惟我
德馨苔痕上階綠草色入簾青談笑有鴻儒往來無白丁可以調
素琴閱金經無絲竹之亂耳無案牘之勞形南陽諸葛廬西蜀子
雲亭孔子云何陋之有

春夜宴桃李園序夫天地者萬物之逆旅光陰者百代之過客而
浮生若夢為懽幾何古人秉燭夜遊良有以也況陽春召我以烟
景大塊假我以文章會桃李之芳園叙天倫之樂事羣季俊秀皆
謂惠連吾人咏歌獨慙康樂幽賞未已高談轉清開瓊筵以坐花
飛羽觴而醉月不有佳作何伸雅懷如詩不成罰依金谷酒數
宿雨初晴小溪新漲泛朱家船載楊子酒浩然一聲好風送响素
琴三弄淡月偏宜洵為烟水幽人不作風波險客

張一中

樂志論使居有良田廣宅背山臨流溝渠環匝竹木周布塲圃築
前果園樹後舟車足以代少涉之艱使令足以息四體之役養親
有兼味之膳妻孥無苦身之勞良朋萃止則陳酒肴以娛之嘉時
吉日則烹羔豚以奉之踟躕畦苑遊戲平林濯清水追涼風釣游
鯉弋高鴻風乎舞雩之下咏歸高堂之上安神閨房思老氏之元
虛呼吸清和求至人之彷彿與達者論道講書俯仰二儀錯綜人
物彈南風之雅操發清商之妙曲逍遙一世之上睥睨天地之間
不受當時之責永保性命之期如此則可以凌霄漢出宇宙之外
矣又豈羨夫入帝王之門哉仲長統
酒中八仙知章騎馬似乘船眼花落井水底眠汝陽三斗始朝天
路逢麴車口流涎恨不移封向酒泉左相日興費萬錢飲如長鯨
吸百川銜杯樂聖稱避賢宗之瀟洒美少年舉觴白眼看青天皎

如玉樹臨風前蘇晉長齋繡佛前醉中往往愛逃禪李白斗酒詩
百篇長安市上酒家眠天子呼來不上船自稱臣是酒中仙張旭
三杯草聖顛脫帽露頂王公前揮毫落紙如雲烟焦遂五斗方卓
然高談雄辯驚四筵
山靜似太古日長如少年余家深山之中每當春夏之交蒼翠盈
堦落花滿徑門無剝啄松影參差禽聲上下午睡初足旋汲小泉
拾松枝煮茗啜隨意讀周易國風左氏傳離騷太史公書及陶
杜詩韓蘇文數篇從容步山徑撫松竹與麝犢共偃息于長林豐
草間坐弄流泉漱齒濯足既歸竹窗下則山妻稚子作筍蕨供麥
飯欣然一飽弄筆窗間隨大小作數十字展所藏法帖筆跡畫卷
縱觀之興到則吟小詩或草玉露一兩段再烹茗一杯出步溪
邊邂逅園翁溪友問桑麻說秔稻量晴校雨探節數時相與劇談

追如不

半晌歸而倚柴門之下則夕陽在山紫綠萬狀變幻頃刻恍可人
目牛背笛聲兩兩來歸而月印前溪矣唐子西
世有會做受用人急事化緩事大事化小事有事化無事以電光
泡影視幻身以浮雲秋水視世態隨其所止坦然自得王見峯
歸隱歌冥鴻入高天霜日謝殘柳扳援征車前黃童兼白叟賢哉
子大夫佐郡良已久分綰三邑符霹靂神明手海不波禾不莠人
歌叔度來何後便者方騰奏最書君何為乎解其綬小兒當年強
折腰英雄今日真回首吁嗟乎呵殿為我榮手板為我醜唯唯諾
諾違我心戰戰兢兢掣我肘虎爭殿上龍戰田玄黃堅白難為剖
此時避世亦笑世此時杜門亦杜口道德何人似木雞功名到底
皆芻狗狐狸有窟亂縱橫鳥兔無繩繫飛走歸去來山中藏書數
萬卷山中種松數千畝骨肉喜團藥兄弟自師友老樹挂瓢笠清

泉洗樽缶竹院閒參無漏禪花下日釀長生酒酒後醉呼黃石公
留侯孺子今知否
唐人詩曰相逢盡道休官去林下何曾見一人蓋嘆世人假途躡
榮沉酣名利中而莫之止其于徜徉山林之下自有樂地殊未知
也夫政務之擾孰與琴書之娛冠裳之拘孰與野服之適午門待
漏寒威逼孰與睡覺東窗日已紅若急流中勇退者誠曠達人矣
哉
高山四皓當秦世道減德銷坑黜儒術乃退而作歌曰漠漠商洛
深谷逶迤燁燁紫芝可以療飢黃虞邈遠吾將安歸駟馬高蓋其
憂甚大富貴而畏人不如貧賤而輕世
香山九老以胡杲為首洛中耆英以文彥博為首睢陽五老以杜
衍為首皆以垂暮之年優游鄉梓之間相與暇日鼎會賦詩云醉

遊春圃烟霞暖吟聽秋潭石水寒又云青雲歧路遊將徧白髮光
陰得最多

裴文忠度畫像既成自作贊曰爾形不長爾貌不揚胡為相胡為
將靈臺一點丹青莫狀公向不信術數不好服食每語人曰鷄猪
魚蒜逢着則吃生老病死時至則行治第集賢里日與白居易劉
禹錫文酒相歡不問戶外事可謂自適其樂者矣

讀書已覺眉稜重就枕方欣骨節和睡起不知天早晚西窓斜日
已無多僧有規

老讀書文興易闌須知養病不如閒竹床藤枕虛堂上卧看江南
雨後山呂榮湯

相對蒲團睡味長主人與客兩相忘須臾客去主人覺一半西窗
無夕陽陸放翁

蓬門掩兮井徑荒青苔滿兮屐綦絕園種邵平之瓜門栽先生之
柳曉起問童子問山桃落乎辛夷開未手甕灌花除去蟲絲蛛網
于是不巾不履坐北窗披涼風焚好香烹茗忽見異鳥來鳴樹
間少倦即竹床藤枕一覺美睡蕭然無夢即夢亦不離竹徑花塢
之旁醒而起徐行數十步則霞光凌亂月在高梧妻孥來告詰朝
厨中無米笑而答之明日之事有明日在且無負梧桐月色也婦
亦頗領此意相對怡然屠赤水
溽暑灼人大地如爐病軀當此如燔似炙全賴青萍之末一少浣
之忽得薰風和暢洗却炎威頓覺神清氣爽尤可喜者家無一客
胸無一事但見清香繞砌秋色盈庭清茶可以解渴濁酒可以消
愁香不佳而有烟可馨花不麗而有色可娛短琴高挂而無絃殘
編久束而座滿四壁蕭然八窗洞開坐倦無聊則企脚北床覓一

眺	琴	冬	變	時	臣	遊	則	落	倚	又	覺
之	一	日	態	令	睹	覽	松	紅	闌	添	好
庭	曲	之	可	記	松	記	聲	點	看	出	睡
前	求	陽	作	咏	竹	事	鳥	苔	明	一	任
亮	數	夏	鳥	山	則	自	疇	可	月	種	爾
之	刻	日	獸	川	思	有	和	當	盈	幽	烈
樓	之	之	蟲	郡	貞	所	根	錦	盈	况	焰
中	樂	陰	魚	國	操	得	野	褥	石	因	燒
皆	庶	良	疏	可	之	觀	菜	草	上	朗	天
玩	幾	辰	<small>張天錫</small>	作	賢	朝	不	香	坡	吟	似
月	居	美		風	臨	禁	讓	花	<small>張晉侯</small>	袁	不
也	常	景		土	清	則	侯	媚		中	減
月	以	負		謠	流	敬	鯖	可		郎	于
之	待	杖		咏	則	才	帶	當		句	清
可	終	躡		窮	貴	秀	葉	嬌		云	涼
玩	<small>徐汧</small>	履		通	廉	之	柴	姬		世	臺
冬	汧	逍		離	潔	士	門	莫		情	飛
則	玩	遙		合	之	玩	奚	送		貧	雪
繁	月	自		可	行	芝	輸	則		自	矣
霜	古	樂		作	寒	蘭	甲	山		好	少
太	也	濁		逸	暑	則	第	鹿		歲	焉
寒	謝	酒		史	晦	愛	<small>陳眉公</small>	溪		月	上
夏	賦	一		咏	明	德	公	鷗		病	踈
則	鮑	盃		百	可	行		鼓		偏	簾
蒸	詩	彈		物	作	之		吹		多	

須	山	說	閒	同	與	豕	外	清	悠	之	雲
結	須	如	居	聲	梅	同	聽	冷	嬋	中	太
韻	結	觀	事	與	同	眠	竹	斯	娟	稽	熱
友	逸	優	業	燕	瘦	閒	散	古	徘徊	于	秋
談	友	伶	與	同	與	觀	步	今	徊	天	之
禪	泛	觀	達	語	月	處	時	所	精	道	為
須	水	詩	官	與	同	使	令	以	華	則	時
結	須	如	無	鶴	眠	我	人	同	之	寒	後
悟	結	聽	異	同	與	心	逸	玩	浮	暑	夏
友	曠	歌	觀	喉	竹	機	興	也	升	均	先
	友	曲	聖	與	同	頓	造	與	東	取	冬
	對	賞	賢	鸚	清	息	飛	雪	林	于	八
	月	花	書	鵲	與		鷓	後	入	月	月
	須	須	如	同	桃		蚌	尋	西	數	于
	結	結	對	言	李		相	梅	樓	則	秋
	冷	豪	君	此	同		持	霜	肌	蟾	季
	友	友	父	是	笑		兔	前	骨	兔	始
	待	觀	觀	鳥	居		犬	訪	與	圓	夏
	雪	史	史	中	然		俱	菊	之	埃	冬
	須	如	如	知	花		斃	雨	踈	塹	十
	結	觀	觀	己	裡		鷗	際	涼	不	五
	豔	公	公		神		鳧	護	神	流	于
	友	案	案		仙		共	蘭	氣	太	夜
	捉	觀	觀		與		浴	風	與	空	又
	酒	小	小		鶯		廉	之	之	悠	月

溫州府志

領	春	令	人	令	香	可	亭	竹	焚	琴	讀
幻	雲	人	平	人	令	無	畔	釣	香	玩	義
趣	宜	適	琴	曠	人	美	瀕	魚	試	鶴	理
	山	金	令	月	清	人	石	看	茶	焚	書
	夏	石	人	令	花	人	檻	山	洗	香	學
	雲	爨	和	人	令	人	外	漱	硯	煮	法
	宜	鼎	棊	人	靜	人	須	泉	鼓	茗	帖
	樹	令	令	人	茶	人	花	酌	琴	縱	字
	秋	人	人	人	令	人	軒	酒	校	目	澄
	雲	古	閒	暢	醒	人	內	翻	書	觀	心
	宜		枕	竹	酒	人	須	經	候	山	靜
	水		令	令	令	人	畫	此	月	寓	坐
	冬		人	人	人	人	徑	皆	聽	意	益
	雲		憇	逸	遠	人	中	吾	澆	奕	友
	宜		杖	松	山	人	須	人	花	棊	清
	野		令	令	令	人	竹	清	高	雖	談
	着		人	人	人	人	讀	福	卧	有	小
	眼		輕	幽	止	人	史	自	支	他	酌
	總		塵	鶴	水	人	不	然	杖	樂	半
	是		拂	令	令	人	可	之	對	吾	醺
	浮		令	人	空	人	無	樂	畫	不	澆
	雲		淨	隱	雲	人	酒		臨	易	花
	觀		如	劍	人	人	談		帖	也	種
	化		意	令	人	人	禪		倚		竹
	頗				人	人	不				聽

張志和	蕭宗朝	待詔翰林	遭喪不仕	浪迹江湖	自稱烟波釣徒	李	來一片野心	已被白雲留住	烹茶鶴避烟	真宗時屢詔不起	對使者曰九重丹詔休教彩鳳銜	魏野	隱居不仕	嘗自咏云有名聞富貴無事小神仙	洗硯魚吞墨	麴尚書	甃泛春渠	以置酒作金銀龜魚浮沉其中	為酌酒具自稱釀王蕪	時最樂可飲一石	汝陽王璿家有酒法名甘露	常取雲夢石	子拍浮其中	取天地山河日月雲雨草木禽蟲諸類	作下酒物	吾	黛液為瓊玉滴	為珍珠	乃使文君當爐	太真捧盞呼劉伶	李白諸	秀才風味矣	然猶有酸氣	則又投以名花	襟以異香	和以臙脂粉	有方硯田	以耕之	墨池以溉之	筆花以落之	書倉以貯之	此真麴	劉子西翰嘗云	文章草可釀酒	尤展成擊節	嘆賞其言	因思釀亦
-----	-----	------	------	------	--------	---	-------	--------	-------	---------	---------------	----	------	----------------	-------	-----	------	--------------	-----------	---------	-------------	-------	-------	-----------------	------	---	--------	-----	--------	---------	-----	-------	-------	--------	------	-------	------	-----	-------	-------	-------	-----	--------	--------	-------	------	------

通如市

德裕稱之曰隱而無有名顯而無事不窮不達嚴光之比帝嘗使
奴婢各一志和配為夫婦名奴曰漁童婢曰樵青為浮家泛宅往
來苕霅間作歌曰青箬笠綠蓑衣斜風細雨不須歸陸羽嘗問孰
與往來對曰太虛為室明月為燭與四海諸公共處未嘗少間有
何往來
宋管師復高隱自號卧雲先生仁宗召問所得何如對曰滿塢白
雲耕不盡一痕潭明月釣無痕不受爵命索襲不應舉太守陰淡
造焉曰先生棄眾人之所收收眾人之所棄宅不稱畝而志忽九
州形居塵俗而棲心天外
晉宋纖有遠操刺史馬岌造焉纖拒不見岌嘆曰名可聞而身不
不見德可仰而形不可覩知先生中之龍也銘詩石壁曰碧嵯
百尺青壁萬尋竒木蕭鬱蔚若林其人如玉維國之琛室邇人

遠實勞我心

張景公安人仁宗召見問曰卿江陵有何勝境對曰兩岸綠楊遮

虎渡一灣芳草護龍洲又問所食何物曰新粟米炊魚子飯嫩冬

瓜煮鱉裙羹

三原田游岩高宗嘗幸其第游岩野服出迎問曰先生比來佳否

對曰臣所謂泉石膏肓煙霞痼疾者也帝以方四皓

天台趙元銘少讀書務踐履不事章句卓然有古人風先後邑大

夫皆躬其門造嘆曰忍難忍事順不順人其殆羣鳥之鳳羣獸之麟

乎袁令有詩曰茅屋山中老和雲日采薇縣官強一見雲氣尚沾

衣李東陽贈詩曰京國由來不計春采芝人遠夢應頻天門集得

青鸞尾寄與山齋掃白雲

郢人法真雄子稱闕西大儒太守造訪真以幅巾見太守曰欲屈

溫州府志卷之...

功曹光贊朝政可乎真曰以明府折節故敢相迎若欲吏我將在
北山之北南山之南矣弭玄德先生
建陽雲谷廬峰之巔內寬外密自成一區朱熹構草堂于此即晦
庵也又武夷精舍考亭書院滄州精舍皆朱子所築
陳繼儒眉公曰古人以蘭為香祖余欲結一茅亭四面皆種蘭蕙
匾曰香祖庵有柱聯云異人常在漁樵裏老鶴多眠蘭蕙中又欲
結一草堂南洞庭月北峨眉雪東泰岱松西瀟湘竹中具晉高僧
支法八尺沉香床浴罷溫泉即投床鼾睡以此避暑樂不樂耶于
是可見先生磊落不羈之概又陳繼儒甫壯棄業習隱結茅小崑
山之陽祀二陸乞四方名花廣植堂堦之前為二先生春秋蘋蘩
名乞花塢又買舟載書稱無名釣徒每日當草蓑月冷鉄笛霜清
覺張志和陸天隨去人未遠

元郎中姚樞棄官隱于蘇門置私廟四室中堂龕魯司寇容傍列
周程張朱邵司馬六君子像讀書其間以道學自任翰林學士
虞集與弟槃嘗構二室左書陶潛詩于壁題曰陶庵右書邵堯夫
詩于壁題曰邵庵學者稱集為邵庵先生
安希範無錫人仕南吏部主政以昌言削籍杜門不出出則乘一
舫圖陶元亮張季鷹蘇端明米南宮諸名賢于綺窗為烟水伴恣
其所之樂而忘反
長興陸龜蒙累召不出僦居淞江常乘小舟設蓬窗筆床茶灶詩
琴酒盃杖履釣具往來烟波雲磴時謂江湖散人或號天墮子甫
里先生自比涪翁江上文人性不喜與俗人交與皮日休羅隱吳
融結社所居前後皆樹杞菊以供杯案或言好事之家擊鮮侯君
何獨閉門掃迹空腹貯古人書笑曰吾豈不知屠沽兒有酒肉耶

姑蘇唐元讀書博雅有船一葦杭圖書古玩羅列左右浮遊江湖
日哦其中
吳鄭泉字文瀾性嗜酒嘗云願得美酒五百斛船以四時甘脆置
兩頭反覆飲之憊即任啖肴膳酒有升斗減隨即溢益之
唐崔斯立為藍田丞始至喟然曰丞執丞執余不負丞而丞負余
庭有老槐數行南墻巨竹千挺斯立掃溉對樹二松每日吟哦其
間人有問者輒曰余方有公事子姑去
羅湘川退居鑿池架亭名曰願樂日處其間為詩云亭中樂事有
誰傳朱紫身閒更大年明月泛遊蘇氏後北窗高卧伏羲前林泉
茹飲貧無辱花竹栽培靜有權一室蕭然無俗慮却疑身世在壺
天昔有四客各言其志一願為揚州刺史一願積錢十萬貫一
願騎鶴上升一人兼而言之腰纏十萬貫騎鶴上揚州

李德裕東都平泉莊去洛城三十里卉木臺榭若造仙府虛檻對
引泉水滌洄行徑有平石以手摩之隱隱見雲霞龍鳳草樹形遠
方之人多以異物奉之有題平泉詩曰隴石諸侯供語鳥日南太
守送名花又德裕自作記以一石一樹與人者非佳子弟五代
時有監軍得醒酒石德裕孫延古求之監軍不肯付還
白樂天因貶江州司馬喜曰匡廬在念久矣今得于青山綠水中
為風月主人幸甚秋始遊廬山到香爐峰下見雲水泉石勝絕第
一愛不能舍因置草堂前有喬松十數株修竹千餘竿青蘿為牆
垣白石為橋道流水周于舍飛泉落子簷間綠柳白蓮羅生池砌
每一獨往動輒經旬平生所好盡在其中矣
明華州郭宗昌字亂伯有闕社園白厓湖上地界二華之間造一
舟居之名曰齋舫自謂水盈盈與世都絕淪落崎嶇任心獨往

臺城內華林園晉簡文帝題曰會心處不必遠繁然林木便有濠
濮間趣魚鳥自來親人

唐王摩詰維所居輞川別墅地竒勝有華子岡欹湖竹里館柳浪
軒茱萸泝辛夷花塢日遊其中賦詩為樂

宗少文炳善圖畫精玄理嘗曰老疾一時俱至名山勝境豈能徧
及惟當以卧遊代之耳乃作圖畫于室謂人曰撫琴動操萬山皆
响

唐聞喜湖園裴文忠度所建以自娛樂李文叔云園圃之勝不能
兼者六事務宏大者鮮幽邃人力勝者少蒼古多泉水者艱眺望
惟晉公湖園兼而有之

宋歐陽文忠建平山堂據蜀江臨邛江佳麗為淮南第一夏月携
客堂中遣人折荷花百朶挿四座命伎以花傳酒勸客往往戴月

浙江大學圖書館藏

而歸堂左右竹樹參天坐者忘暑

武林陳叔謙篤學好古嘗以一聯懸之室中博古圖蒐周漢制無聲詩寫晉唐題

元結汝州人嘗避亂居樊上或稱酒徒或稱漫叟又稱聾叟放翁名其室曰書巢有二子長叔間呼為直者次叔靜呼為正者韓退之稱唐文人獨及次山

一鳩鳴午寂雙燕話春愁此唐人得意之句苕溪隱士用二意作春聯話盡春愁雙紫燕喚回午夢一黃鸝

會稽孔珪家多構山泉衡陽王筠時往遊之珪曰殿下處朱門遊紫闥詎得與山人交矣耶王答曰身處朱門而情遊江海形居紫闥而意在青雲張融聞而竒之曰衡陽王飄飄有凌雲氣商山隱士高太素居清心亭每至一時即有猿詣亭前而啼不爽

其候太素因目之為報時猿又建六道遙館曰晴夏晚雲中秋午
月冬日初出春雪未融暑簟清風夜堦急雨
關文衍畫九華山圖于白綾半臂自云令吾此身嘗在雲山之內
放雲齋明寧獻王所造王諱權弼懼仙每月令人往匡廬最高處
囊雲以歸搆雲齋障以簾幙日放雲一囊四壁網縕裊動如身在
巖洞飄然有凌雲想
山陰孔稚圭官太子詹事風韻清疎飲酒可七八斗門庭之內草
萊不剪時有蛙鳴笑謂人曰以此當兩部鼓吹
張季鷹翰縱酒不拘時人號為江東步兵或謂之曰卿乃可縱一
時獨不為身後名耶答曰使我有身後名不如即時一杯酒
魏鄭公慤取荷葉盛酒以簪刺葉與柄相通吸之為碧筒勸張表
臣詩釀憶青田核觴宜碧藕筒直須千日醉不放一杯空

譙郡戴顓慕桐廬山水之勝乃留春日携雙柑斗酒人問何之曰
往聽黃鸝聲此俗耳針砭詩腸鼓吹
杜陵韋曼雅性恬淡前後徵辟皆不應日以琴書自娛超然物外
周文帝高其風節賜號逍遙公勅有司日給河東酒一升
張功甫骸園池聲伎甲天下常于南湖園作駕霄亭于四古松間
以巨鉄絙懸之空中當風月清夜與客梯之飄飄雲表
江陰徐弘祖性好遊嘗一杖一襪往復萬里中國名勝無所不到
乃窮河源上崑崙歷西域題名絕徼與漢張騫唐元奘元耶律楚
材而為四紀遊之書高可隱几
韋世康在吏部十餘年時稱廉平嘗有止足之意謂子弟曰祿豈
須多防滿則退年不待暮有疾則辭
王璘奉化人通判宜州謂
所知曰敞床疏席總是佳趣櫛風沐雨反為美境
周顒清貧寡

欲或問山中何所食顯曰赤米白鹽綠葵紫蓼
吳東里以諸生
隱于醫有中秋家燕詩云大烹豆腐瓜茄菜高會荆妻兒女孫
樂清朱諫仕知府謝政歸結廬雁山倏然有物外之致嘗曰豈以
五斗易我五珍謂龍湫茶竒音竹金星草山樂官香魚也五者皆
雁山產
宋太祖問蘇易簡食品何珍對曰物無定味道口者珍臣憶一夕
寒甚擁爐痛飲夜半忽燥見殘雪中覆一齋臣取連斲數枝自謂
仙厨鸞胎鶴脯殆不是過上笑是之
東坡嘗云我在儋耳嘗借王參軍園種菜不過半畝與子過終年
飽菜夜半解酒擷菜煮之味含土膏氣挹霜露雖梁肉不能及也
題其廬曰安蔬詩云秋來霜露滿東園蘆服生兒芥有孫我與何
曾同一飽不知何用食雞豚

劉伶嗜酒嘗乘車携酒命僕荷鍤隨之曰死便埋我其妻諫止伶
曰善吾將祝神謝斷矣可具酒肴伶祝曰天生劉伶以酒為名一
飲一石五斗解醒婦人之言慎不可聽于是飲其酒御其肴塊然
就醉
昔鄭薰既老號所居為隱岩蒔七松于庭自號七松處士曰異代
可對五柳先生又吳孺子每見園中花片狼藉則以散衾裯間
卧之
明朱多炆寧猷王孫善詩歌兼工繪事嘗變姓名為來相如踪跡
徧吳楚間歸而掩門關却掃以俸遊名其詩屬高僧雪浪選定臨
終命以白幘鶴氅斂子謀揮效其父變姓名為來鯤出遊吳楚
崑山顧阿英少輕財結客豪宕自許築別業菑溪曰玉山佳處日
宴客賦詩其中園亭圖史餼館聲伎並甲一時嘗檢釋氏書有悞

遂祝髮號金粟道人嘗有詩曰儒衣僧帽道人鞋至卒自為壙誌
以紵衣桐帽棕鞋布襪纏裹入土
後漢周磐堅伯云命終之日桐棺足以周身外椁足以周棺斂形
縣封濯衣幅中寫堯典一篇置棺前示不忘聖道學者以為知命
梁元帝金樓子曰吾之亡也可以孝經一卷老子一帙陶華陽劍
一口自隨此外珠玉不之入銅錫勿之藏也
皇甫規臨終遺命妻子曰地底冥冥長無曉期纏以纊綿牢以釘
漆非以云久徒為不善仲尼孝子延陵慈父葬我骨肉皆從微薄
非苟于儉誠便于體邱隴若高發掘必速
漢朱邑為桐鄉令病且死囑其子曰桐鄉吏民愛我故後葬我于
桐鄉後世子孫奉我未必如桐鄉民也
杜元凱將死求葬路仲冢側以為田豫讓求葬于西門豹邊曹子

臧求葬于蘧伯玉側梁伯鸞求葬于要離之旁彼皆異乎我之意
惟路仲為人庶幾與吾相得若夫金蠶無吐絲之實瓦雞無司晨
之用謹無以血腥膾膾為祭

陳文惠堯佐臨終自誌其墓曰有宋潁川先生年八十二不為天
官居一品不為賤卿相納祿不為辱祖可歸見父母棲神之域矣
王樵淄川人自號贅世翁預卜窆名繭室置石榻刻文其上曰生
前投軀以虞不備歿後寄魄以備不虞

范蜀公將薨前數日髮鬚盡變蒼黑眉目郁然如畫將易箒神彩
精爽兩目炯炯東坡云生平虛以養氣數盡神旺血氣不衰故發
于外者如此

曾襄敏蔡飲量絕人永樂中上命欵交趾貢使稱為我朝酒量狀
元後病呼酒飲至醉題曰官詹非小六十非天我以為多人以為

少易簣蓋棺此外何求白雲青山樂哉斯丘

司空圖虞鄉人避世亂隱王官谷作休休亭以自娛預為壽藏故人來者引之壙中賦詩對酌出則布衣鳩杖以女家人鸞臺自隨歲時村社圖必往盡醉而歸

德清縣前沈漢倬房基下有高堆人躡其上者輒病明末發之見大石板啟視之乃地室一間朱棺方長與近代大異下有鉄牛負之石碑有字摹出乃古文大篆識者辨之曰楚養由基墓也墓中有缸七雙疑貯漆燈油者遂掩之至今尚在

漢夏侯嬰死送葬至都門馬悲鳴不進掘之得石槨銘云佳城鬱鬱三千年見白日吁嗟滕公居葬此室遂葬焉名馬塚

唐沈彬嘗夢着錦衣貼月飛識者謂身不入月不得及第果然居有大樹曰吾死可葬此下及葬穴之乃一古塚得石槨燈臺上有

漆篆文云佳城今已開雖開不葬埋漆燈猶未滅留待沈彬來
膠西相董仲舒墳在長安路旁人為致敬過者必下馬名下馬陵
徐孺子墓在郡南白社牧守徐與于墓隧種松太子謝景立碑太
守夏侯嵩于碑邊立思賢亭

九江府城西鶴問湖陶侃葬母擇地至此遇異人云前山有牛眠
處佳言畢化鶴而去故以鶴問名又侃母死廬于墓側忽有二客
來吊不語而退化為雙鶴冲天去

傅奕病未嘗問醫忽酣卧蹶然起曰吾死矣夫即自作銘誌曰傅
奕青山白雲人也以醉而死嗚呼姚文獻自立壽藏萬安山祖

塋之旁兆曰安居穴墳曰復真堂以土為床曰化臺

郝敬京山人給事中致仕崇經服古年七十四擇地啟坎自題曰
明給事郝敬之墓墓旁用石匣函著書三百餘卷以殉至八十二

冬至日早起衣冠與親朋別乘車至墓所索筆題曰升沉難定但
深壑藏舟夜半憑誰有力來去自由如驚風飄瓦天公與我何尤
少頃屬纊而逝

日月運轉寒暑往來天地所以長久吹噓呼吸吐故納新真人所
以治世故丹元子云形以神住神以氣集氣之充神形之全氣實
則成氣虛則斂氣住則生氣耗則滅此廣成子所以保氣而烟蘿
子所以煉氣也然則一言而盡保煉之妙其惟嚙納之方乎

陳遵故好客家常宴會客至則閉門取車轄投井中雖有緩急終
不得去遵父遂與宣帝微時有舊相隨博奕數負進及即位擢遂
太原太守賜璽書曰太守太守官尊祿厚可以償博進矣遂表辭
謝曰事在元平元年赦令前

方秋岷岳除夜由生日遇月小賦鵲橋仙今朝廿九明朝初一怎

欠个秋崖生日客中情緒老天知道這月不消三十春盤縷翠春
缸搖碧便泥作梅花消息雪邊試問是耶非笑今夕不知何夕
虞翻餘姚人垂髻時客有過其兄者不過翻翻遺書曰琥珀不取
腐草磁石不受曲針過而不存宜矣客大竒之性疎直數忤孫權
罪放海外每自謂生無可與語死以青蠅為吊客使天下有人一
人知己足以不恨
魏田豫為衛尉乞遜位司馬宣王以豫壯未聽豫報書曰年過七
十而居位猶鐘鳴漏盡而夜行不休罪人也拜大中而終

廣談助卷十

瑞安方鴻飛逸磐甫纂

雅尚

邵康節先生居洛宅契司馬溫公名園契富鄭公戶名莊契王郎
 中戶名皆仍舊不易其高尚如此遊學洛下富文忠弼司馬文忠
 光治第留焉扁其堂曰安樂窩旦則焚香燕坐晡則酌酒微醺春
 秋出遊乘小車惟意所適士大夫家爭相迎候好事者為別作一
 室如雍所居以待其至署曰行窩
 錢文僖惟演留守西京尹師魯為書記梅聖俞為主簿謝絳為通
 判歐陽修為推事官同在幕下一日出遊香山抵暮雪作從烟靄
 中見有車馬渡伊水來則錢公遣庖廚歌伎傳語曰山水良佳少
 留龍門賞雪無遽還也

温州市图书馆

顏延之含曾孫性嗜酒不矜細行子峻貴顯延之居第如舊嘗乘
敝車逢峻駟後叱曰吾生平不喜見要人今不幸生女峻起大宅
延之曰善為之無令後人笑汝拙也帝嘗問諸子才能對曰峻得
臣筆測得臣文莫得臣義躍得臣酒問誰得卿狂曰其狂不可及
謝惠連不妄交接門無襍賓有時獨酌曰入我室者惟許清風對
我飲者獨當明月

康對山海構一園亭其地在邱山麓所見無非邱隴客諷之曰日
對此景何以為樂對山曰日對此景乃令人不敢不樂達哉斯言
當書以銘座右

呂希哲退居宿州十餘年靜坐一室日讀易一文家事一切置之
不問不以毫髮事托州縣其詩曰除却借書沽酒外更無一事擾
公私

李文節道傳致政歸過惠安姻家劉侍御馳僕賫刺郊迎僕盛服
雲綺儒烏以往公至坐定忽語其僕吾宦遊久不見鄉井時樣粧
幸貸觀纔脫卸遽攬披着徑登輿去其主悵惋失色
吳楚才曰吾生平所恨者五事一鮒魚多骨二金桔多酸三蓴菜
性冷四海棠無香五曾子固不能詩皆所恨也

明吳孺子蘭溪人所居遊地惟名僧韻士相對談論客去危坐終
日嘗自煮一銅鍋飯不足則哺糜日買兩錢菜為齋羹語人曰免
我低眉向人覺飽逾梁肉矣

元德秀少孤事母孝嘗令魯山隱居陸渾山中不為墻垣局鑰日
或不嬰彈琴自娛人以酒肴從之不問賢鄙為酣飲房瑄曰見紫
芝眉宇使人名利之心都盡

趙子固嘗放棹西湖上孤山隈以酒晞髮箕踞歌離騷指林麓最

幽處瞪目絕叫曰此是洪谷子董北苑得意筆也隣舟數士皆驚歎以為異人

司馬季主楚人游學長安賣卜東市宋忠賈誼過之曰先生何居之卑而行之污耶主大笑曰騏驎不與罷驢伍鳳皇不與燕雀群賢者不與不肖同列故寧處卑以避眾公者等喁喁者也何知長者之道乎二子爽然自失

陳鶴自號海樵山人世襲南海衛百戶棄所受官着山人服徧遊吳越交名士初至金陵將造顧尚書璘璘先一夕夢李白至及見乃山人遂深相結顧稱之曰氣邁似東方朔才敏似劉穆之其談理道辨世務又大類曹陳思
梁武帝好佛創佛寺命蕭子云飛白書蕭字後寺為兵毀壞其字猶在李約見之破產買歸東洛建小齋玩之號曰蕭齋

曾崇範廬陵人好學而貧家蓄經史頗富詔求遺書刺史賈皓售以進上崇範笑曰墳典天下公器世亂藏于家世治藏于國何以售為皓奏薦之授太子洗馬

何旦宜州人嘗為海南都巡檢與蘇軾遊多得其往來手跡及還家橐中並無別物或嘲之旦出所藏軾書示之曰此海外奇珍也齊謝幾卿性通脫為尚書左丞嘗預遊宴不得醉而歸詣道邊酒壚停車褰幔與車前三騶對飲觀者如堵幾卿自若

陳實卒海內赴吊者三萬餘人制麻者以百數刊立石碑謚文範先生郭林宗名重京師士大夫爭趨之載刺常盈車

劉延之與淵明情款延之為始安郡經過臨去留錢二萬與淵明淵明為送酒家稍當取酒陽城為諫議大夫每約二弟吾所俸入可度食米幾何薪蓋幾何先具之餘悉送酒家取酒

梁羊侃不飲酒而好賓遊終日獻鬪同其醒醉後周長孫澄雖不
飲酒好觀人酣醉嘗恐坐客請歸勅中厨別進異饌元結以不飲
酒者為惡客陶潛逢酒熟取頭上葛巾漉之畢還復著之
孔文舉嘗云座上客常滿尊中酒不空陶淵明云偶有佳酒無夕
不傾顧影獨盡悠然徑醉便覺文舉多事

畢卓新蔡人比舍郎釀熟卓夜往盜飲為守者所縛旦視之畢吏
部也嘗曰右手持酒杯左手持車螯便足了一生矣

阮遙集孚機辨好酒貌短而禿周文帝偏所眷顧嘗于室內置酒
十瓶上皆加帽欲以戲孚孚見驚喜曰吾兄弟輩無禮何為入王
家匡坐相對宜自早還宅也因持酒歸帝撫掌大笑孚為散騎常
侍嘗以所服金貂換酒帝雖知不問
袁粲為丹陽尹嘗步履郊野間道逢一士夫呼與酣飲此人謂被

知明日到門求進素曰昨日飲酒無偶聊相邀耳竟不與之相見
又郡南一家頗有竹石粲然少往不過主人直造竹所嘯咏主
出與飲及車騎羽儀至方知是素使君

庾亮鎮武昌殷浩之徒乘月登樓歡飲不覺亮至將避之亮曰老
子興復不淺據胡床與浩等談咏其坦率如此

馮臚孔羣好飲酒王丞相導語之云卿恒飲酒不見酒家覆醅布
日久則糜爛耶羣曰不然公不見糟中肉乃更堪久杜邠飲食
洪博既飽即寢有諫非攝生之道者公曰君不見布袋盛物放倒
即慢

王徽之經吳縣聞顧辟疆有竹園肩輿徑入辟疆方會客徽之遊
看既畢旁若無人辟疆曰傲主人非禮也貴驕士非道也閉門不
聽出徽之遂留飲盡歡而歸

宋王弘之性好釣上虞江有一處名三石頭弘之嘗垂綸于此經
過者不識之或問漁郎得魚賣否弘之曰魚亦不得得亦不賣日
夕載魚于上虞郭經親故門各以一兩頭置門而去
卓彥恭嘗過洞庭月下有小漁舟過其旁卓呼問有魚否應曰無
魚有詩卓喜曰願聞一篇老人鼓枻徐去高吟曰八十滄浪一老
翁蘆花江上水連空世間多少乘除事良夜月明收釣筒
慎伯筠秋夜待潮于錢塘江沙上露坐設大酒尊及置一杯對月
獨飲意象傲逸顧子敦適遇之亦懷一杯就其尊對酌伯筠不問
子敦亦不與語飲盡各散而去慎固慷慨顧亦何脫略也
馬周初入京逆旅數公子飲酒不顧周周乃呼斗酒濯足眾異之
北齊崔瞻為侍御史在臺宅中送食備極珍羞別室獨食有一御
史姓裴伺瞻食輒造焉瞻不與交言又不命是筋明日自携是筋

恣情飲噉贍曰我初不喚君食君能不拘小節昔劉毅冒請鶩灸
豈異是耶君定是一奇士由是每與同食

陳暄嗜酒兄子秀諫止之暄答書曰昔周伯仁渡江三日醒我不
以為少鄭康成一飲三百杯我不以為多故江懿議咨有言酒猶
兵也兵可千日不用不可一日不備酒可千日不飲不可一飲不
醉美哉江公可與論飲速營邱糟吾將老焉

山季倫為荊州時出必酣暢人為之歌曰山公時一醉往造高陽
池日暮倒載歸苔芋無所知復能乘駿馬倒著白接羅舉子問葛
疆何如并州兒

姑蘇劉昌在史館時日請良醞酒一斗然所飲不多有歲留者湯
東谷亂績從而索之詩曰兼旬無酒飲詩腹半焦枯聞有黃封在
何勞市上酤公慨然與之

李白嘗乘舟與崔宗之自采石揚帆金陵著宮錦袍放歌豪飲捉
月亭世遂傳李白過采石酒狂從水中捉月死因以名亭
白坐永王璘事長流夜郎今讀其自序詩夜半水軍來迫脅上樓
船辭官不辭賞翻滴夜郎天此豈從人亂者

郭子三日不飲酒覺形神不復和曰今而知酒之能引人入勝也
淳化中詔起种明逸放其母恚曰常勸汝勿聚徒講學果為人知
不得安家我將棄汝深入窮山矣放遂稱疾不起真宗東封得
隱者楊璞上問卿行有人送詩否曰妻一首云且休落魄耽杯酒
更莫猖狂愛作詩今日捉將官裏去這回斷送老頭皮上笑賜束
帛放歸

江西李巧逸其名徃來江漢三十年隨身一瓢外無長物每遇紙
筆輒書語無倫次或雜一二字如符籙人以意揣之始成詩飄飄

有仙氣問之不答郡丞邀之署中贈以輕葛文烏丐辭出被葛着
烏挿花滿頭行吟市上有觀瀑詩曰瀑泉今古說廬隈頓向銀河
絕頂來潭逼五龍時怒吼峰摧三峽更喧飀橫奔月窟千堆雪倒
瀉虹橋萬道雷瑣斷鷗峰懸白練遙看蛛網挂層臺
弘治壬戌狀元康海武功人嘗以救李夢陽坐瑾黨落職常選名
伎百人為百年會自起彈琵琶勸酒有客稱內閣某殊相念海怒
擲琵琶撞之罵曰吾豈效王維假作伶人借彈琵琶討官做耶
戴逵亳州人寓剡雅性高潔能鼓琴武陵王慕而召之逵對使者
破琴曰吾不能為王門伶人
孫登字公和汲郡人清靜無為好讀易彈琴頽然自得觀其風神
若遊六合之外者當魏末居北山中以石窟為宇徧草自覆阮嗣
宗見登被髮端坐岩下遙聞鼓琴自下趨進莫得與言嗣宗乃長

嘯與琴音諧和登因嘯和之妙响動林壑

林逋隱孤山多種梅日估一株自給畜二鶴每泛舟湖中客至童子縱鶴飛報即歸人以為妻梅子鶴臨終賦詩有茂陵他日求遺稿猶喜曾無封禪書之句

永嘉余堯臣以文學著薦剡交至不樂仕進入吳治圃結廬署曰菜蕘與張啟張羽輩為北郭十友

世謂清談放逸起于晉非也漢末已有之仲長統見志詩云寄愁天上埋憂地下判散五經滅裂風雅鄭泉嗜酒臨卒謂同類曰必葬我陶家之側庶千年之後化而為土幸見取為酒壺寶獲我心矣二子蓋阮籍劉伶之先著鞭者也

陶弘景隱華山自號華陽隱君梁武帝屢聘不出惟畫兩牛一放水草之間一着金籠頭有人執鞭以驅之帝覽而笑曰此人欲效

曳尾塗中之龜豈可致之

焦先字孝然河東人漢末隱居山中三召不起結草為廬被火遂
露處石上風雪之夕晏如也蔡邕為作焦徵君贊

元呂徽之逃名不仕以耕漁自給家居萬山中有文士慕其名造
之見木桶中有人乃先生妻也天寒無衣故坐其中問先生何在
曰溪上捕魚至彼果見之隔溪語曰公且到舍我得魚當換酒共
醉也少頃携魚酒至盡歡而散再躡其踪已移居矣
楚江有漁者得魚換酒輒自放歌不言姓氏江陵守崔鉉問之君
隱者之漁耶對曰姜子牙嚴子陵世嘗以為隱者殊不知釣其名
耳

劉訐平原人刺史辟為主簿挂檄于樹而逃家貧併日而食隆冬
或毡絮晏如
玄貞處士

唐龔舍見蜘蛛縈網有蟲觸之而死嘆曰仕宦人之羅網也不退
與蟲何異即挂冠而歸時人謂之蜘蛛隱

韋表微字子明擢進士授監察御史不樂曰爵祿譬滋味也人皆
欲之吾年五十對鏡髮白襍少年中取一班半級不見其味將為
松菊主人不愧淵明足矣

杜司徒嘗言我致仕後必買小駟飽食訖跨之着粗布襪衫入市
看盤鈴傀儡即足矣後致仕果行其志諫官上疏言三公不合入
市公曰在吾意計中矣

徐侯齋不出山者幾四十年巡撫湯公慕其品望悉屏騶導止從
一小僮駕扁舟訪之惟見鶴跡滿徑松影在門候之良久竟不獲
見嘆息而返吳人兩高之

孫景初號四休居士云清茶淡飯飽即休補破遮寒暖即休三年

四滿過即休不貪不妬老即休

毛公薛公遭戰國之亂二人俱以處士隱于邯鄲市毛公隱于博徒薛公隱為賣膠

奉化王汝林個儻好施鄞縣陸司寇瑜時為諸生貧不自存往詣林林遽迎入延之上座次日即遣人濟陸之家不以告也此留旬日陸乃自言家累林出陸家謝啟示之陸起拜曰不虞君之恩我深矣及陸辭歸更備衣物白金贈之

江右胡存齋參政好客每虞闔人不通刺若在家時即令門首挂一牌云胡某在家沈孟淵好客每日設酒食以待若無客則令人于溪上探望惟恐莫有至者

王元寶每大雪之際令僕夫自門巷掃雪為徑迎賓客宴飲為暖宅之會

長安劉逸李曠家世豪奢而好待士每至暑伏中各于林亭內植
畫柱以結錦棚廣設坐席備茶果邀客為避暑會人皆愛羨
邨超每聞人欲高尚隱退者輒為辦百萬資并為造立居宇在剡
為戴公起宅甚精戴始往居與所親書曰近在剡如入官舍又為
傳約亦辦百萬傳隱事差互故不果入
總督漕運李三才多取多與用財如流水嘗宴顧憲成止蔬果三
四色厥明盛陳百味憲成問之三才曰昨偶乏故寥寥今偶有故
羅列憲成由是不疑其奢
學士許謹選放曠不拘小節與親友結宴花圃未嘗具幄設坐惟
令童僕聚落花鋪坐下曰吾自有花茵
今人作庫質錢取利市井富豪及士大夫家無不如此唐以前惟
僧寺為之謂之長生庫梁甄彬嘗以一束苧就長沙寺庫質錢後

贖芋還于芋束中得金五兩彬送還寺庫僧驚以金半鬻之彬堅不受曰五月披羊裘而負薪豈甘拾遺金者耶

柳蚪字仲蟠脫略人間不事小節敝衣疏食未嘗厭棄人或譏之蚪曰衣不過蔽身食不過充腹孜孜營求徒勞思慮耳

張翰吳郡人有清才時會稽賀循赴命入洛經吳閭門於船彈琴翰初不識乃就循言設便相欽悅因循入洛齊王問辟為東曹掾翰見秋風起乃思吳中菰菜蓴羹魚膾曰人生貴適志何能羈官數千里以要名爵乎遂命駕歸作首丘賦

皇甫謐家貧帶經而耕累辟不就雅好著述有從姑子梁柳將之郡或勸謐餞之謐曰柳微時過我送迎不出門食不過鹽菜今餞之是重二千石而輕梁柳非心所安

唐秘書監鄭灝營求作相甚切其父祗德聞之作書寄之曰聞汝

已判戶部是我必死之年又聞欲求作相是我必死之日顯見書
大懼乞上表辭從之

楊蘆夫維禎諸暨人大定進士性度夷曠居鉄崖山下號鉄崖道
人好吹鉄笛作梅花弄亦稱鉄笛子鉄笛得之洞庭湖中長二尺
九寸竅其九吹之竅皆應律音聲絶人世常與漁人唱和款乃為
作迴波詞歌曰小江秋大江秋美人不來生遠愁吹笛海西流又
曰東飛鳥西飛鳥美人手弄雙明珠幾見鳥生雛

嚴君平導賣卜成都市有宮人羅冲餽以車馬衣食却之曰益我
貨者損我神生有名者殺我身時謂名言揚雄少從之學嘆曰風
聲足以激貪勵俗近古之逸民也

孫思邈知微成都人張乖崖鎮蜀雅慕之終不可致及還朝出劍
關一村童持思邈圖進問孫所在則曰去已遠矣馬知節守成都

造訪解金帶以贈即繫之苧袍人見其標韻蕭散皆以為李青蓮也

西安李若拙奇偉尚氣節歷兩浙轉運使自以浮沉許久作五知先生傳謂知時知難知命知退知足也子繹舉進士

新野庾杲之清貧自勵王儉領吏部用為長吏蕭緬遺儉書曰景行汎綠水依芙蓉何其麗也時人以儉府為蓮花池故云

方佑桐城人天順進士授監察御史風采凝峻人不敢干以私為忌者所中致仕歸結社萬松間足不及城市超然自得為皖中人望

裴皞官僕射有剛直聲宰相馬胤孫桑維翰皆其所取士胤孫知貢舉引新進詣拜皞作詩曰門生門下見門生世以為榮維翰嘗過皞不迎不送或問之曰我見桑公于中書庶僚也桑公見我于

私第門生也何迎送之有

禰衡尚氣剛傲自荊州北遊許都書一刺懷之字漫滅無所遇或

曰何不從陳長史者為達乎衡曰君欲使我從屠沽兒輩耶

劉魯風投謁所知為典謁者所阻吟曰萬卷詩書劉魯風烟波千

里謁文翁無錢乞與報知者名帝毛生不為通

後漢趙壹為郡計吏至京師造河南尹羊陟不得見壹以非陟無

托名者乃自至門竟入上堂曰切伏西州承高風久矣因舉哭聲

陟知非常人乃起延訪大奇之壹為陟所稱名動京師

韓魏公知中山李清臣謁見其侄報曰大叔方睡清臣因題詩于

壁云公子乘閒卧碧幙白衣老吏慢寒儒不知夢見周公否曾說

當年吐哺無魏公見之曰吾知此人久矣竟有東床之選

薛勤為汝南功曹陳仲舉年十五為父賣書詣勤勤顧而奇之明

浙江省立圖書館藏

温州府圖書館

WENZHOU LIBRARY

日造焉仲舉父出逕勤勤曰足子有不凡子吾來候之不從卿也
言議盡日

郭林宗有母喪徐穉往吊之置生芻一束于墓前而去林宗曰此
必南州高士徐孺子也詩云生芻一束其人如玉吾何德當之
王徽之在山陰夜雪初霽月色清明忽憶戴逵在剡便乘小船詣
之造門不前而返人問其故曰乘興而來興盡而返何必見安道
耶猷之卒徽之奔喪不哭上靈床坐取猷之琴彈之久而不調乃
嘆曰嗚呼子敬人琴俱亡

倅乃副車今以通判為倅嘗與知州爭權有錢少卿昆者餘杭人
性嗜蠊嘗求外補人問所欲昆曰但得有蠊無通判處可矣坡詩
欲向君王乞符竹但憂無蠊有監州
桓伊字子野善音律得蔡邕柯亭笛為江左絕調王徽之泊舟清

溪素不識伊伊岸上過有人告之曰此桓野王也徽之令請之求
為吹笛伊下車據胡床三弄畢便上車去主客不交一言
上元魏之璜業丹青娛養老親撫諸弟皆取給于十指不以干人
軒車過訪不一報謝惟招之飲酒則往清言獻鼎坐無考叔不樂
也
方登字嘯門江寧人慕孫登之為人故名又號樵城子以書畫自
娛間為小詩一生不見貴人
庾易新野人徙居江陵雅性恬靜以文史自娛齊臨川王餉麥百
斛不受長史袁象慕其風贈以鹿角書格蚌盤牙筆易將連理非
竹翹書格報之
龐蘊衡陽人嗜浮圖棄家修行臨卒調刺史于頔曰但願空諸有
所有慎勿實諸所無言訖爽然而化

郭瑀自少有超俗之志張天錫使蓋公明以禮徵焉瑀指翔鴻示
之曰此鳥安可籠哉遂深逃跡公明拘其門人瑀嘆曰吾逃祿非
逃罪也豈得隱居行義害及門人乃出就徵
元孔文昇先聖五十四代孫素有大志或勸之仕答曰後漢之後
前漢之前上下古今吾之所願不願仕也

蘭溪方太古少受業章楓山讀書學古與沈啟南文徵明孫太初
結詩酒社會乘輿南狩江楚騷動慨然曰此一壺千金日也吾其
為一壺生乎

宋季雅買南康市宅隣呂僧珍僧珍問買宅價曰一千一百萬僧
珍怪其貴雅曰一百萬買宅千萬買隣

禪師玄覽住荊州陟此寺道高有風韻人不得而親張璠嘗遊寺
畫古松于齋壁符載贊之衛象詠之亦一時之絕覽悉加堊焉曰

無事疥我齋壁

陸羽沔人相傳老僧自水濱拾得畜之既長自筮得蹇之漸曰鴻漸于陸其羽可用儀乃以定姓氏字郡守李齊物識羽于僧舍中勸之力學遂能詩雅性高潔不樂仕進號桑苧翁嗜茶善品泉味著茶經

桐廬徐舫少與劉誠意遊意被徵邀之同行舫荷蓑笠相見縱酒賦詩終其身因自號曰滄江散人宋景濂題其墓曰明詩人徐方舟

唐寅吳人以寃錮遂放浪形迹其學出入天人間寧庶人慕而聘之寅度濠有反志佯狂自免竒趣溢發或寄于畫文采風流照耀江左圖其名曰江南第一風流才子作悵悵詩曰前程兩袖黃金淚公案三牲白骨禪晚飯心佛乘自號六如

董其昌華亭人精思力學以書畫見推海內陳眉公嘗稱其昌有三無筆下無疑胸中無翳胸中無一點殺機官禮部尚書雁門賈氏子慧遠法師杖錫廬山東林寺與劉遺民龐通之周續之雷次宗竺道生宗炳陶淵明等十八人為白蓮社謝靈運求入社以心雜不許慧遠法師隱廬山送客至虎溪橋畔即止後送陶元亮陸修靜與語道合不覺過溪因大笑世傳三笑圖陶淵明少懷高尚性不解音畜素琴一張絃徽不具每朋酒之會則撫而扣之曰但識琴中趣何勞絃上音常往來廬山使一門生二兒舁籃輿以行時慧遠法師與諸賢結蓮社以書招致之淵明曰若許飲酒則往許之遂造焉

江州刺史王弘造淵明無履弘命從人脫履以給之語左右為彭澤作履左右請履度淵明于眾坐伸脚及履至著而不疑

茶欲其白墨欲其黑方黑時嫌漆白方求白時嫌雪黑然墨磨經
宿則色暗茶碾過日則香減頗相似也茶以新為貴墨以古為佳
又相反也茶可于口墨可于目蔡君謨老病不能飲茶則烹而玩
之呂行甫好藏墨而不能書則磨而啜之此又可發來者之一笑
晉嵇康字叔夜本姓奚家嵇山因以命氏嘗遊洛西暮宿華亭夜
分有客詣之稱古人索琴彈之為廣陵散遂以授康仍誓不傳于
人康嘗自曰但飲濁酒一杯彈瑤琴一曲志意畢矣雅與呂安善
每一相思千里命駕後因安事波及臨刑東市太學生有請以為
師者弗許索琴彈之曰袁孝先嘗欲從我學廣陵我靳不與廣陵
散已于今絕矣

劉渙字凝之高安人為潁上令剛直不善事上棄官去隱廬山歐
陽修慕其風節賦廬山高贈之杜門三十載蕭然四壁號西澗居

士嘗作騎牛歌云我騎牛君莫笑世間萬事君從我好子恕字道源未冠成進士司馬光雅重之蘇軾曰凝之父于冰清而玉剛故所居名冰玉堂

韋貫之為右丞有僧及門曰君且相命左右引出曰此妄人也今士大夫喜人媚已徃徃引納此輩甚有罷以後輒向此輩求賜環之信豈不可笑何異馬上看三台星者乎

宋孔顛為司徒長史二弟道徽道存東還顛迎之見輜重十餘舡皆是綿絹紙席顛命置岬側謂爾輩忝預士流何至東還作賈客耶命燒盡乃去

李知遠選吏蕭然斂手人弭李下無蹊又李文進吏侍請謁不行時人語曰李下無蹊徑

魯宗道執政營一小室畫山水朝退獨坐謂之退思岩雖妻子不

得入

唐質肅介參知政事與同列論議未嘗阿屈天下翕然想望丰采
一日語諸子曰吾備位政府知無不言桃李固未嘗為汝等栽培
其為荆棘則甚多矣

杜淦江夏人自稱漢陰老人居泗水上躬耕起家每謂人曰忍恥
入仕不因妻子飲食者幾希彼忍恥我勞力皆衣食耳顧我何如
許平仲衡嘗暑中過河陽渴甚道有梨眾皆取啖許獨危坐不取
或言世亂此無所主許曰梨無主我心獨無主乎

何文淵廣昌人七歲入社學羣兒竊瓜果以奉文淵却之曰童稚
之年詎可習為盜賊識其者知其不凡

儀封諸生張紳家巨富客有課馬產駒三一價七千緡日走七百
里一八千緡日走八百里一萬緡則千里馬也紳試千里馬騰躍

而上瞥然不見據鞍穩適不覺奔馳可稱肉胡床矣矧雖愛之竟不為買蓋異物每足賈禍矧殆有見于此

王右軍逸少羲之好鵝山陰道士有羣鵝意求市之道士云為寫道德經當舉相贈王欣然許之寫畢籠鵝而歸

劉璋時王商與秦宓書曰貧賤困苦何可終身宜一來與州尊相見宓曰僕曝背乎隴畝之中誦顏氏之箴歌咏原憲之蓬戶翺翔乎林澤之聽玄猿之悲吟察鶴鳴于九臯斯乃僕得志之秋何相苦之戚哉

韓康字伯休采藥名山賣長安市中口不二價三十年時有女子從康買藥守價不移女子怒曰公是韓伯休乃不二價乎康嘆曰我本逃名今女子皆知有我何用賣藥乃遁入灞陵山中方千與朝冷朝陽為友冷曰吾欲訪君何以欸我方曰長腰粳米

縮項鰻魚

唐孔若思常謂人仕至中郎足矣及遷庫部郎乃置一石止水於座右示止足之意

鷓鴣冠子隱于幽山衣敝履穿以鷓為冠莫測其名因服成號著書言道家事馬援常師事之援後顯于趙鷓冠子懼其薦己乃與援

絕

延陵季子見路有遺金呼一薪者曰取彼遺金薪者瞋目曰子何居之高而視之卑也吾五月披裘而薪豈取金者哉問其姓氏曰子皮相之士何足語以姓名

王符涇人篤學有志操與馬融張衡善隱居著書議當時得失號潜夫論皇甫規家居有雁門太守修謁規卧不起聞符在門驚起衣不及帶迎符入時人語曰徒見二千石不如一縫掖

山濤舉嵇康自代康與書曰譬如禽獸麋鹿少見馴育則服教從
制長而見羈雖飾以金鑣享以嘉肴愈思長林而志在豐草也
閔仲叔居安邑家貧不能得錢買肉但食猪肝屠者或不肯與之
令出勅市後嘗買即得仲叔怪問其子道狀如此乃嘆曰叔豈以
口腹累安邑耶遂去之

張彖登科為華陰簿為守令所抑嘆曰大丈夫有凌雲蓋世之志
而拘于下位若立身矮屋之下使人抬頭不得遂拂衣而去遊于
嵩山

漢有應曜隱于淮陽山中與四皓俱徵曜獨不至時人語曰高山
四皓不如淮陽一老

袁粲每過傅昭戶嘆曰經其戶寂若無聲披其室其人斯在豈非
名賢之流亞與

廬山五老峰白鹿洞李渤與兄涉隱此洞中嘗養一白鹿故名後
為朱考亭講學處

嚴子陵少與光武同學後光武即位隱居富春山把釣不仕范仲
淹有詩漢包六合網英雄一個冥鴻惜羽毛世祖功臣三十六雲
臺爭似釣臺高又詩富春山下大江橫千古英雄幾戰爭今日秋
毫非漢有釣台依舊屬先生

司空圖自僖宗時棄官歸王官谷作休休亭以自娛曰量才一宜
休揣分二宜休耄曠三宜休又少也惰長也率老也迂三者皆非
濟時用則又宜休因自目為耐辱居士嘗為人作碑記得絹數千
疋置之虞鄉恣人取携時寇盜蜂起獨不入王官谷唐亡圖不食
而卒

李觀為太學官因上言役法不便被譴題詩自嘆云十謁侯門九

不開利名淵藪且徘徊自知不是封侯骨夜夜江山入夢來
蕭嵩為相與韓休不協因乞骸骨玄宗朕未厭卿嵩俯伏曰臣爵
位已極幸陛下未厭臣得以乞身如陛下厭臣臣首領不保又安
得自遂乎龐莊敏公知定州屢請老或謂上方注意精力充壯
何引去公曰必待筋力不支明主厭棄是不得已豈知足之謂耶
梁曹景宗為領軍出行嘗褰車帷幔左右諫景宗曰吾昔在鄉里
騎快馬拓弓弩射大澤逐麋鹿覺耳後生風鼻頭出火今來揚州
作貴人路行開帷幔小人輒言不可閉坐車中如三日新婦於邑
使人氣盡
成器字不器餘姚人工詩文以義俠自持每聞人有不平事輒瞑
目大罵海內有賢豪長者私心向往若見不義之夫目為鳥羊吉
了以故人多遠之彼亦不暱就人每曰吾眼前不見俗子自覺意

氣更遠

杜祁公家居日出入從者十數人或勸為居士服公應之曰老而謝事尚竊居士服耶

支道林因人就深公買邛山深公答曰未聞巢由買山而隱

昭明太子蕭統字德施與諸賢泛舟後園池有盛稱此中宜奏女

樂者太子初無言但咏左太冲招隱詩曰何必絲與竹山水有清

音

顧阿瑛元末為崑山大家亭館有三十六處皆有春帖記必名公詩必才士當時楊廉夫鄭明德張伯雨倪元鎮皆共往焉尤密者為秦約于玄釋良琦有二妓曰小瓊花南枝秀敏慧能文每會必在阿瑛得以周旋騷壇者非獨以財故也後阿瑛遭亂財盡散去遂削髮為在家僧

王徽之居室空宅中多令栽竹或問之徽之但嘯咏指竹曰何可
一日無此君坡詩寧令食無肉不可居無竹無肉令人瘦無竹令
人俗

王德元少慕全真之教遍遊名山自為贊曰懵懂痴憨白髮老贊
一念萬年在世出世其與人遊不為崖絕之行飲食不擇潔修所
居不求安逸意有所適翩然長往年九十步履如飛

艾司寇方宴客園中盛夏新鑿一池客曰來年好種荷也艾曰
來年客以為戲比半酣起行池上則綠雲千朵清香搖曳六郎
面灼灼迎人矣客怪問之艾曰為嘉賓姑借催花檄也蓋艾園中
盆荷甚多密令人帶盆沉水博一笑耳

江南李建勳嘗蓄一玉磬尺餘以沉香節按柄扣之聲極清越客
有談猥俗之語者則急起擊磬數聲曰聊以清耳

錢文僖留守西洛嘗對竹思鶴寄李和文詩云瘦玉瀟瀟伊水頭
風宜清夜露宜秋更教仙驥傍邊立盡是人間第一流一時勝事
至今稱之

崑山王逢年懷才自負嘗作五敵詩謂慢世敵嵇康綴史敵馬遷
賦詩敵阮籍述騷敵屈宋書法敵二王所著書曰天祿閣外史
徐師川俯是黃山谷外甥晚年欲自立名客有稱其源自山谷者
徐讀之不樂答以小啟曰涪翁之妙天下君其問諸水濱斯道之
大域中我獨知之濠上人各有得翛然獨往

諸暨王冕一試進士不第焚所為文讀古兵法著高簷帽被綠蓑
衣履長齒屐擊木劍或騎黃牛持漢書以讀人咸目為狂生晚隱
九里山結廬三間題曰梅花屋生平工畫梅人爭求之
合肥黃道月工文詞好擊劍官中書舍人嘗偕友遊西山道月岸

幘衣半臂紫袷衣坐連錢驄馬挾彈飛鳥應手而落遊人從之如雲即以鳥犒從人時人為之語曰得山禽從舍人

劉斯立學易堂記云圖書對面稍熟似覺厭易則別展掛行步

倚玩之忽漫驚目更有新意家藏甚儉由此常若有餘明窗淨几

無坐卧之安高堂素壁無卷舒之勞而人物禽魚山川草木變態

竒姿粲然前陳亦好事者之一助也

蘇東坡十月望日夜解衣欲睡忽見月色入戶欣然起行念無與

樂者遂步至承天寺尋張懷民亦未寐相與步于中庭庭如積水

空明水中荇藻交橫蓋竹柏影也東坡曰何夜無月何處無竹柏

但少閒人如吾兩人耳

東坡在儋耳田間避雨從農家借笠路傍小兒相隨爭笑以為異

人周少隱詩咏其事云持節休誇海上蘇前身應是牧羊奴為嫌

朱紱當年夢故作黃冠一笑娛遺跡與公歸物外清風為我製衣
襦憑誰喚起王摩詰畫寫東坡戴笠圖
南岳李岩老好睡眾方下棋岩老就枕既閱數局李乃一輟轉曰
我始一局君幾局矣東坡曰岩老常用四脚棋盤中着一色黑子
昔與邊韶敵手今被陳搏饒先着時自有輸贏着了並無一物
杜牧有睡癖夏侯隱號睡仙
榮啟期鹿裘帶索鼓琴而歌孔子遇于泰山問曰先生何樂也曰
天生萬物人為貴我得為人一樂也男尊女卑男為貴我得為男
二樂也人生有不見日月者我已行年七十三樂也貧者士之常
死者命之終居常以待終我何為而不樂 胡九韶家甚貧事無
大小必循天理課兒力耕僅給衣食每日叩天感謝清福其妻笑
之九韶曰幸生太平之世不見兵革又幸一家骨肉不至飢寒榻

無病人獄無囚犯非清福而何

米元章守漣水地接靈壁蓄石甚富時楊次公為察使恐米好石廢事因往廉馬語以得失利弊米徑前以手于左袖中取一石示之嵌空玲瓏語楊曰如此石安得不愛又于右袖出一石疊嶂層巒語楊曰如此石安得不愛楊忽謂曰非獨公愛我亦愛也即就米手攫得之徑登車去

石曼卿判海州劉潛來訪之曼卿與潛劇飲中夜酒欲竭願船中有醋斗餘乃傾入酒中飲之至明日酒醋俱盡每與客痛飲露髮跣足著械而坐謂之囚飲飲于木杪謂之巢飲以藁束之引首出飲畢復就束謂之鱉飲又夜不燒燭謂之鬼飲挽歌哭泣而飲謂之了飲飲而登樹下而再飲謂之鶴飲其狂縱大率如此

鄭景望蒙齋筆記云余中年少睡蓋老人之常無足怪者每夜寐

過分輒不能再睡輾轉一榻間胸無纖塵毫無頗覺心志和悅神
宇凝靜有不能名言者因嘗有詩云城頭曉漏已丁丁窗間落月
却未明衡陽歸雁過欲盡汝水荒雞遠一鳴悠悠斷夢了無記草
草微吟還獨成人生得意能幾許一睡酣聊足慰餘情
寇萊公好舞柘枝每宴客必盡舞柘枝盡日時謂柘枝顛其曲遍
數極多如羯鼓錄渾脫解之類好事者往往傳之
歐文忠陽在滁州通判杜彬善彈琵琶公每飲酒必使彬為之往往
酒行無算故公詩云坐中醉客誰最賢杜彬琵琶皮作絃范文正
公喜彈琴然平日止彈履霜一操時人謂之范履霜
韓持國居穎昌程伯淳自洛往訪之時范右丞彛叟純禮亦居穎
昌持國嘗戲作詩示二公云閉門讀易程夫子清坐焚香范使君
顧我未能忘世事綠尊紅妓對斜曛

楊誠齋年未七十退休南溪之上老屋一區僅庇風雨聰明強健
閒退十有六年寧皇初與朱文公同召公獨決于高蹈遂自贊曰
江風索我吟山月喚我飲醉到落花前天地為衾枕又曰青白不
形眼底雌黃不出口中只有一罪不赦唐突明月清風



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

0133